

REFVTATIO
VTRIVSQUE

ELENCHI

CERCOPETAVIANI.

Auctore

FRANCISCO FRANCO

I. C.



PARISIIS.



M. DC. XXIII.



AN

FR A



etus, t
gratul
tautio p
taueris
tium, se
cum ra
que iue
arbitr
lorariu
le ab i
se, sic
postera
da vid



ANTONIO KERKOETIO
MASTIGOPHORO.
FRANCISCVS FRANCVS I.C.
S. P.

QUOD ab ultimis usque Aremoricorum finibus, licet nusquam ab hac urbe digressus, saluus tamen ad nos redieris, & noua quidem dignitate auctus, tibi gratulor, Cercoeti, & totam hanc gratulationem Reuerendo Patri Dionysio Petauio proficere cupio. Quod ferulam loris mutaueris, etiam impensè gaudeo. Nec hoc tantum, sed rectè istud à te factum, ac magna cum ratione, quamuis nullam habeas, multoque iudicio, etsi prorsus eo careas, prouisum arbitror. Etenim quì scires tibi iterum cum lorariis conflictandum esse, ac meminisses male ab illis te in priore conflictu acceptum fuisse, si ex æquo certare velles, & ne iā impar in posterum congressus esset, paria arma sumenda vidisti. Quid enim ferula aduersus lora

potuissent? Verum ut meorum vires ac virtutem lorariorum noui, valde vereor ut hoc parum tibi prosit, ac ne nouis multis insuper ad veteres additis plagis, pro Mastigophoro, mastigias ad Scholam tuam reuertaris, atque iterum ferula resumpta inter discipulorum cateruas regnare tutius putes, quam in hac arena litteraria cum lorariis versis armis depugnare. atque ita sine dubio futurum est. Tu vero ut fiduciam quamdam falsam, & inanem securitatem intrepidi pectoris prae te feras, metumque quo mutus es, dissimules, urbanum interdum, & iocosum, ac lepidum hominem nobis te fingis. Sed audi me, magister, & mihi crede, cum ad omnia sis ineptus, nulli rei minus aptus es quam salibus & iocis. Mater tua te maledictis potius latrandis canem improbum, quam dictis dicendis hominem argutum peperit. Nam siue amara iacere, seu salsa spargere tentas, in utroque pariter iners & insulsus ostenderis. Nihil felle tuo ignauius, nihil sale dilutius. Hoc inde vitium habes, quia nimis padagogus es. Ita solet istud genus, quum facetos facere volunt ridiculi fiunt. Hac ficta animi confidentia quæ sub vultu tremit, tegi posse sperasti, tot pudendos errores, tot stupendas hallucinationes, tot pernitendas alogias, tot horrendas imposturas,

3
tot ridendas ineptias, quibus omnibus Ani-
maduersa tua cum scaterent, ad speciem per-
pauca tantum de multis ad qua responderes,
hinc inde saltuatim legisti. Vt sic vero respo-
deres, & ne singulis occurreres, ut valde astu-
tus es & capitalis, artem etiam lepitan cal-
lidè reperisti. At tu temporis breuitatem pra-
texis & foliorum qua tibi habere licuit,
paucitatem. De temporis breuitate, Certoeti,
ut prater te possis accusare neminem, ita te
nemo possit excusare. Cum laxius tempus &
largius arbitratu tuo tibi sumere liceret, cur
tam angustis & iniquis spatiis excludi te
passus es? Numquid ignis fores obsidebat ut
per fenestram precipitandus fueris? An ne-
sciebas caniculam pra nimia festinatione ca-
cos semper catulos parere? De foliorum pauci-
tate quod excusaris, nec videris hec mihi pe-
nitus extra culpam esse, quid enim? qui pau-
ca illa tradiderunt, an non potuerunt omnia
tradere? cur cessasti? cur ipsi tibi defuisti? &
prece & pretio id contendendum fuit. tanti
noluerunt dare? at tanti dedissent. Profecto
hoc ego si scissem te laborare, curassem ut pri-
mo quoque tempore, & gratis haberes. Ne
quid iterum inde mora ac difficultatis tibi
properanti obijceretur, mandauit operis meis
in huius libelli editione ut chartas adhuc ma-

didas & à pralo sudantes ad te statim de-
 ferrent, quo centesimus ille Mastigophorus,
 quē tu minitaris, & nos desideramus, matu-
 rius exeat. Lentum quippe hoc negotium fo-
 re prospicio, nisi quis te adiuret, & currenti
 vered~~os~~ ante praparet, & adornatos sistat.
 Quamuis enim meditationes ista tibi ci-
 tius quam canes in talorum iactu, excidant,
 scis tamen haud admodum in expedito esse
 intra unius anni spatium centum mastigo-
 phoros quamuis levis armatura, comparare,
 instruere, & ad campum producere. Certè de
 Animaduersis gloriaris sexto die ad summū
 ea te absoluisse. Nisi hoc ipse diceres, ac nisi
 te veridicum in primis esse scirem, non crede-
 rem. Ain tu, Cercopetaui, te tantum tēporis
 in illis detexcendis consumpsisse? Hoc mihi
 profecto, dum eorum texuram sic leuidensem
 & frinolam iterum iterumque considero, ma-
 ximè mirum videtur. Multos enim fatuos ac
 futiles noui, qui tantumdem nugarum, vel
 intra dieculæ unius hibernæ moram, facile
 poterant funditare. & sanè stultus labor est
 ineptiarum. Non arte igitur nec materia, sed
 solo labore spectandum tuum illud Animad-
 uersorum opus Hexæmeron. Atque ideo for-
 tasse non mirandum ea tam felici fato fuisse,
 ut publicam omnium commendationem, &

fauorem, sicut ipse iactas, meruerint. quæ
 tanta quidem fuit, ut homo modestus predi-
 care id non audeas, ne gloriosus videaris. Ve-
 rum ut eorum pretium ac spectatio clarius ap-
 pareat & emineat, singula Animaduersorum
 capita cum singulis Confutationis capitibus
 censeo conferenda. Nam adnota contrariis
 contraria lumen suum magis ostendant. Hac
 cum ita sint, Cercoeti, te tam perfectis & ab-
 solutis illis Animaduersis tam paucos, & adeo
 negligentes apposuisse defensores quos & eo-
 rum Confutationi opponeres, pene mihi dolet.
 Profecto hanc præclaram & diuinam lucu-
 brationem quæ sex dierum labore auctori
 constitit, ita te maxima sui parte indefen-
 sam & improtectam reliquisse, non minus
 tibi quam Petauio pudendum est. Quid enim
 hini illi Mastigophori cum suis Elenchis præ-
 stiterunt? Nugas egerunt. Certè tam putidè,
 tam ineptè, tam ignauè misera illa Animad-
 uersa defendunt, & quod maxime ex illis
 zueri volunt ita leuiter tutantur, ut ipsi ni-
 hil minus quam tuti tectique videantur. Præ-
 terea, cur ea non tota nec ab omni latere pro-
 tegenda susceperunt? sed facile id ac liben-
 ter ignosco: isto numero, & viribus non po-
 tuerunt; teque etiam propterea magis excu-
 lo; quis enim sanus velit, quæ se non posse

sciat? Rursus autem mihi, quam insanus sis,
 cogitanti, & illa consideranti qualia sint,
 qua reposuisti, quod non similiter cetera Con-
 futationi responderis, quia poteras, minimè
 ignoscendum aut excusandum arbitror. Ma-
 gna sane me delectationis spe, quam animo
 iam multo ante praeceperam, deiecisti. Expe-
 ctabam quippe non sine risu & voluptate,
 confirmatum à te iri, conchylum virere, sma-
 ragdum purpura florere, filum unum retis in-
 star habere, ceruleum beliotropium lutei co-
 loris esse, canes marinos sibilare, scopos esse
 fulcra, Bombyces in medio aere sine fulcris
 texere, $\chi\rho\epsilon\upsilon\sigma\omicron\nu$ dici qui $\chi\rho\epsilon\upsilon\sigma\omicron\varsigma$ est, pur-
 puram floridam pro diluta sumi, accubita po-
 ni pro accubitalibus, aerem balnei eundem
 cum solio esse, genus optimum mellis, & quod
 per se fluit acetum idest $\epsilon\acute{\iota}\omega\varsigma$ appellari, quod
 rectè in Latinum verti ova, Romanos in
 publico tunicatos fuisse, & alia innumera quæ
 in Animaduersis validè affirmabas, confuta-
 ta vero à nobis pro nihilo daxisti confirma-
 re. Atqui id maxime volebam. Sed illa fortas-
 se iam vetera nimis, & obsoleta. Itaque ne
 cito obliuisceremur te bipedum omnium qui
 hodie viuunt esse bipedem imperitissimum,
 memoria nostra tibi fuit excitanda recenti-
 bus, & inauditis adhuc, atque ineditis mi-
 rabilis

rabilis cuiusdam imperitia notis. Hinc est quod in secūdo Elencho docere nos conatus es miliarenses argenteos duarum siliquarū pondus habere, auri & argenti proportionem & estimationem eandem fuisse, campagum partem caligae esse & caligam campagi, & infinita talia, quae nullo quidem labore tibi fluunt, nostris vero lorarius multo sudore statuta sunt. Sed pauperis est numerare pecus. Qui scire volet & colligere quantum & quoties in una pagina ineptus sis, & hallucinator, percurrat Animaduersorum Confutationem, & hanc gemini tui Elenchi refutationem, per omnes artes cognoscet te stupiditatis, & inscitiae tuae insignia circum vexisse. In coloribus videbit, te conchylium cum smaragdino confundere, cum viridi purpureum: In re vestiaria, pallium à tunica non discernere: in calceolaria, campagum cum caliga simul suere, calceum à solea non distinguere: in re nummaria, aurum & argentum paris ponderis pari pretiō taxare: in Grammatica, ταλασίον pro paruo talento cudere, & fulminastrum pro fulminatore condere: in Rhetorica squallorem orationis cum nitore eundem precipere: In Chronologia, Augustum Caesarem Plauto antiquiorem tradere: in Historia naturali animalium, canem ma-

rinum pro murena obtrudere : in Medicina,
 λυκάρθρωποι cum homine iocoso eundem fa-
 cere : & post omnia, ne quid falsitatis dees-
 set, pro Petauio nobis Cercoetium imponere.
 En quot eadem diuersa, quot vera inuersa,
 tam in tua persona quam in doctrina occur-
 runt ! Conchylium & smaragdus idem sunt :
 caliga & campagus idem : sandalium & cal-
 ceus profundus idem. Aurum idem cum ar-
 gento : talentum idem cum pecuniola : canis
 marinus cum murena : δυσπινὲς idem quod
 εὐπινὲς. Idem Aremorius quod Aurelia-
 nensis; idem Antonius quod Dionysius; idem
 Cercoetius quod Petauius. Adhæc tam mul-
 ta eadem quæ minime eadem sunt, sed toto
 genere diuersa, unum addam verissimum,
 idem esse Petauium & fatuum, Cercoetium
 & imperitum, & unum eundemque cum
 Cercoetio Petauium. Vale itaque Cercope-
 tau, & de centesimo illo Mastigophoro quem
 pollicitus, caue sis obliuiscaris, ac memineris
 properato opus esse, si ante vertentis anni fi-
 nem extrudere illum postulas, sicut promisi-
 sti: scis enim nouem & nonaginta Mastigo-
 phoros tibi dandos, priusquam ad illum pro-
 missum, & expectatum centesimum possis
 peruenire. Iterum vale.

AD LECTOREM.



Andide Lector, vt scias non tam hebetem & obtusum esse Cercoetium, quam mihi à primo visus est, ac tibi videri volui, iam dabo si vis accipere, quo illum deinceps pro cato & acuto viro iure possis habere. Accipe igitur. Mastigophoro primo duobus ille tantum ac vix duobus Confutationis nostræ capitibus respondet, & causam prætexit hanc, quod plures paginæ editæ tūc non essent. Illæ sunt paginæ quæ ad Petauij propriè ac præcipuè pertinebant. Scilicet tātum amauit Petauium Cercoetius, quantū nec ipse se, vt pote quem prius defendere laborauerit, quam Cercoetiū. A pagina itaque nonagesima secunda incipit perorare. Ceteras quæ præcedunt, vel non habuit, quia fortasse an editæ non erant, vel non habere curauit præ studio & amore solius defendendi Petauij. Sed aiunt vulgo mendacem memorem esse oportere. Pagina 26. Mastigophori primi citatur pag. 247. Confutationis meæ, quæ in eschatocollio habetur. Atqui sanctè iurabat Cercoetius se particulam tantum meorum habuisse cum illa scriberet, ac multa sibi adhuc folia defuisse, quæ nondū typis erant modulata. Sed huiusmodi diminutiuis gaudet ille. sic particulam vocat, quæ pars longè maxima est, imo totū, vt pecuniolam alibi vocauit talentū. Verum hoc illi concedamus & credamus, vt

quæ vidit, non viderit, quid de secundo Mastigophoro dicturus est, vt credulitatem nostram aliquo saltem titulo, ac specie lucrifaciat? In Epilogo scribit ideo se septem tantum folijs Confutationis obuiam iuisse, quia plura habere non potuerit. Qui in priore Elencho iam omnia viderat & habuerat, cum nondum Confutatio prodiiisset; postquam edita & publicata est, plura septem folijs adipisci non potuisse, si credibile est, age hoc etiam credamus. Mitto cetera quæ prætermisit, nollem vero in secundo Elencho sic illum à pagina 125. ad 193. repentè vno saltu transcendisse. an & ibi pagine non suppetebant? ita quidem dicit, & credere etiã lubet, ne quid de facilitate nostra, quam semel mentienti commodauimus, retractemus. Sed etsi præsto fuissent, necessario tamen transcendendæ fuerunt, cum propter *cataclista*, tum alia nonnulla, quæ festinanti odiosa nimis & importuna occurrebant. Sed iam puto lector, quæris & ex his quod initio me daturum promisi de astutia Cercopetauij. Et quis non videt hanc illum ideo fallaciam callido commento inuenisse ne singulis Confutationis capitibus, & paginis *κατὰ πῶδα* responderet? Fortasse tamen non tam astutus fuit, sed illa ad quæ nondum respondit, idcirco reseruauit, vt materies suppeteret septem & nonaginta instruendis mastigophoris: nam cum iam duos dederit, tot restant ad centesimum quem annum promissit. & breue est. Sic toto anno nec mihi nec amicis charta defutura est ad illos vsus quibus spurca & nugatoria scripta eius digna sunt. Vale.



ADVERSUS
ANTONIUM CER-
COETIVM MASTIGOPHORVM.

PRIMA PARS.

Inscitia Petanij, mendacium, quid sit
ἰσχυρὰ ἐν τῷ Σκωτῶν πῶτις.

CVR me qui Franciscus Francus
vocoꝝ ingratiis Salmasium vis esse
Cerceoti, cum tu nolis esse Pe-
tauius? Barbarum ingenio &
moribus Salmasium illum habe-
ri vis. quid ita, Cerceoti? an quia non est Are-
moricus? Duæ res illi vt video à ciuilitate ob-
stiterunt, & quod non est in Aremoricis natus,
& quod Petauium non habuit vel alium ali-
quem de societate magistrum. quod sub illis
præceptoribus discitur, nihil nisi ciuilitas est,
vt ipsi puri sunt & illibati ciuilitatis & modestiæ
fontes. Sed iterum quæso, quare barbarus ille
Salmasius? an quia Petauium incessit & repre-
hendit? hoc verum est. Ego qui idem facio ad
barbaros quoque scilicet relegabor. Homi-
nem certè valdè ciuilem & vrbaniū repre-

hendimus. An non hoc barbaries est? dicis Cercoeti Petaium à me reprehendi quod in Epiphanio quid esset ἑρμαῖζει ignorare se dixerit. Falleris, amice, non hoc in illo reprehensum est. quoties ignorantiam suam fateri volet, securus abibit. Sed culpæ notam ideo meruit, quod cum ignoraret quid esset ἑρμαῖζει mutare voluerit in ἄρμαζει. Verum postmodo idem se correxit & ἑρμαῖζει fortasse retinendum pronuntiauit, ut γλωσσημαλῶδης esset vocabulum. Cercoeti qui Petaium nunc defendis, ita ut nolis esse Petaius, an quicquam vidisti imperitius? ut ἑρμαῖζει γλωσσημαλῶδης verbum sit? ex qua glossa aut dialecto vox illa prodiit? an Lycij, an Pamphylij, an Cappadoes, an Cretes ita loquebantur? Voces enim eiusmodi ex variis Græciæ gentibus petitas, quas plerumque antiqui poetæ & scriptores usurparunt, γλωσσας & γλωσσημαλα vocabant. an sic intellexit cum ἑρμαῖζει γλωσσημαλῶδης esse dixit? Explicet nobis γλωσσημαλῶδης illud suum, quoniam quid esset ἑρμαῖζει explicare non potuit. Nam sanè valdè civiliter hîc pro tuo Petauio, hoc est pro te ipso mentiris Cercoeti, cum dicis illum in Animaduersionibus quid esset ἑρμαῖζει explicasse. Vbi ille vel vnum verbulum fecit quo verbū illius γλωσσημαλῶδης vim ac notionē nobis aperiret? quare sic diceretur aut vnde? ἑρμαῖζει ut Salmasius cum docere potuit, atque ego post Salmasium in confutatione tuorum Animaduersionum docui, vocabulum recentioris Græciæ δὲ τὸ ἴδιον ἑρμῶν, hoc est à monilibus vel aris sponsalitiis deductum, quod subarrare, &

desponsare virginem significabat. An hoc Pet-
 tauius docuit, Cercoeti, vel in somnis vidit ut
 doceret? Pro multis furtis quæ Salmasio Peta-
 uium fecisse nuper tibi Cercoeti, obieciabam,
 nullum diluis, sed vnum regeris quod Salmasiū
 Petauio fecisse criminari, quæ Salmasius de ma-
 gnis mysteriis ad Hist. Aug. adnotauit ea om-
 nia ex notis Petauij Themistianis sumpsisse.
 quid Cercoeti? Putasne Salmasium tanti facere
 Petauiana commentaria, aut tantum ei ab re
 sua otii superesse ut in nugis Themistianarum
 Notarum tempus suum conterat? Quid in il-
 lis dignum bonarum horarum dispendio? quid
 nisi futile & nugatorium & triuiali moneta per-
 cussum? Nunquam sane ego illa legeram, sed à
 te admonitus ut de magnis mysteriis locum co-
 gnoscere, incidi forte in paginam 330. vbi hæc
 verba Themistij: ἀκούετε αὐτὰ πάντα ῥησις ἐλέγαν οὐ πλεῖ-
 στὸν Σκυθῶν, ἀλλὰ πλεῖστὸν Σλαυῶν, καὶ ἐν συμπερίεσσι ἐστὶν
 ἀλλὰ ἀκούετε, ad quæ verba sic notatum à tuo Pe-
 tauio reperi: *quid hic Scythia opus est? an quia*
tum imperator illis in partibus erat? scilicet ille bo-
 nus vir quid esset? ἀπὸ Σκυθῶν ῥησις ex vulgatissimo
 Proquerbio Græco non intellexit. atque huius-
 modi sunt ceteræ omnes obseruationes aut
 pueriles, siue pædagogicæ, aut falsæ. Quæ de
 mysteriis obseruauit paulo doctiorem Pæda-
 gogum sapiunt, nam & πολλάκι καὶ κηπουρὸς ἀνὴρ.
 Sed quam melius, quam plenius, quam certius
 rem eandem Salmasius tractarit in Notis ad
 Hist. Aug. scriptores, lectio earumdem pate-
 faciet, tum & lector iudicabit an verisimile sit
 suppilatum fuisse in eo tractatu Petauium à

Salmasio. de *portarum institutione & suspiriis portarum*, quæ in loco Tertulano ineptissime tuus Petavius, hoc est tu Cercoeti defendis aduersus Scaligeri coniecturam & veterum librorum scripturam, nos alibi. Nec enim possis dicere hanc illam tuam *αἰγιόα* etiam suffuratum esse Salmasium, ac tibi surripuisse.

De memorialibus locus Epiphaniij recte emendatus. οὐὰ quid sit. in scitia & peruicacia Petauij.



Non verum est quod dixi te *μνηστικῶς* in Epiphanio legere, quasi *Memorarios* vocet qui *memoriales* sunt? Sed illud falsum esse docui & ineptum ut *memorarios*, usurparit Epiphanius pro *memorialibus*, legendum itaque *μνηστῆρας* pro *μνηστικῶς*. an negabis hanc veram emendationem, tuam falsam? quid me igitur calumniæ & mendacij arcessis & non te ipsum potius in scitiæ & impudentiæ?

De voce *οὐὰ* bone Deus, Cercoeti quam peruicaciter ineptus es cum tuo Petauio? iterum *lorarios* videre vis. Ecce præsto sunt. *Ouationem* dictam esse ab huiusmodi vocibus quæ in Bacchi sacris acclamabantur pertendis. concedamus. Sed quis te docuit in sacris Bacchi acclamatum *οὐὰ* aut *ὕα*? num Dionysius? Nihil ille vîpiam tale. *οὐὰ ὕα* acclamationem fuisse Bacchicam omnes auctores scribunt. inde verbum *οὐαῖον*. Sic Latinis, *Euantis orgia circum*. Festus qui ab eo clamore quem faciunt redeuntibus ex

pugna victores milites geminata ô littera ouatione deducit, quid pro te facit? quid illud ô ô geminatum ad *ΕΝΑ* pertinet, mysticam sacrorum Bacchicorum acclamationem? aut quid ad *ὁυά* quod est *ὑαῖ*, vt *ὁυαῖ* est *ὑα*? quum Neroni ab Senatu & populo acclamatum *ὁυά*, non simpliciter nec tamquam triumphanti hoc illi acclamatum est, sed *πύθιωνικα ὁυά, ἑλυμπιονικα ὁυά*, quasi Olympionica & Pythionica summo. & erat, vt dixi, admirationis, non hilaritatis aut festiuitatis acclamatio, vt tuus stultè nugatur Petauius. an cum Sophistis sui sectatores *ὁυά καὶ θαυμαστῶς* acclamabant, triumphalem illam acclamationem fuisse censes? Sed mouete huc vos Iirarij, nullæ illum rationes mouent, nec vos moueat quod nunc est mastigophorus, mastigias vt sit facietis. De *πλατυχῶς*, quod etiam defendis, plasticè sanè nugaris, & *πλατὺ γέλωτα* mihi suscitasti. Sic à *βαρύς*, inquis, fiunt *βαρυκαί* apud Vitruuium. O infrunite, si sensum vel veri Cercopitheci haberes, profecto scires apud Vitruuium non *barycas ades*, sed *baricas*, scribi & appellari debere à voce *βάσις*, quod genus est ædificij rotundi. Hoc te in confutatione docui. Sed *πλατυχῶς*, inquis idem, magnus Scaliger scribere consuevit. Itane tibi nunc magnus Scaliger ô Petamocercoti? Non tuus nunc es, nec tuæ spontis es, cum eum virum magnum vocas. Sub larua Cercotij sanio rem mentem geris, quantum ad hunc solum Scaligerum attinet, quam cum aperte Petauium profiteris. Verum ille magnus Scaliger cum *πλατυχῶς* vsurpat, errat, quod illi ignoscendum. In te qui admonitus non solè non

agnoscis, sed etiam tueris errorem, hoc multis
loris expiandum. Nec lorarij longè, qui *αλατῆρας*,
heic officium suum facient.

*Κρύψις ὁ̃ fraus Petauij detecta: eiusdem
inscitia ὁ̃ pernicacia.*



Ares Cercoeti cum tuo Peta-
uio super isto de Audianorum
Hæresi Epiphaniij loco, & quā
valde hæreas haud ipse diffite-
ris. quid enim aliud clamant
tot illa verba quæ funditas,
vt effugium aliquod tibi captes. frustra id cu-
pis, nam certè captus es. aues illas imitaris qua-
rum alas visco tetigit auceps, quanto magis ex-
pedire sese conantur, tanto magis impeditæ te-
nentur. Epiphanius in Anacephalæosi de Au-
dianis scribens ita loquitur: *ὁ̃ συμφωνοῦνται δὲ ἡμῶν,
ψάγοντες ἕως παρ' ἡμῶν ἐπισκόπους, πλεονέκεις χελουῦντες
καὶ ἄλλους.* Hoc Petauius ita vertit: *Nam episcopos
nostros, nec non ὁ̃ diuites, aliosque condemnant.*
Hanc versionem cum me mirari dixissem adeo
à Græcis dissidentem, ita vt verbum illud *χε-
λουῦντες* omissum fuerit, causam pro Petauio nūc
reddere conatur Cercoetius, & ideo Petauium
conuenisse se dicit, vt ex eo disceret, qua ratio-
ne ductus ita vertisset. Cercoetius igitur Peta-
uium conuenit, hoc est Petauius conscientiam
suam perrogauit. quid hæc illi respondit? Ana-
cephalæosin Epiphaniij, collectionem esse om-
nium indiculorum siue capitulorum, quæ sin-
gulis Hæreseon tomis ab eo præmissa fuere, Ca-

pitula illa quæ in Anacephalæosin ab eo redacta sunt, parum differre ab indiculis & breuiarijs quæ sparsim habentur præfixa tomis Hæreseon. Hoc cum videret Petauius, vt laborem bis eadem interpretandi describendique lucrificeret, curauisse, & ingeniose admodum ac magna arte prouidisse vt interpretatio breuiariorum quæ sparsim habentur, seruire posset & illis breuiarijs, quæ in Anacephalæosi continuata sunt. Ita factum vt cum eadem sparsis indiculis quæ in Anacephalæosi continuatis, versio examussim respondeat, paucissima vero aliter in Græco Anacephalæoseos, quam in tomorum initiis concepta sint, interdum dissimile aliquid appareat: ex his paucissimis fuisse illud *καλουῖται*, quod in indiculo tomī primi libritertij p. 808. non extabat. Hæc partim ex verbis tuis, partim etiam ex sensu & mente Petauij collegi. Atque hanc Petauij purgationem plenam ingenuæ simplicissimæque veritatis à te illico fidem expressisse nobis hîc simpliciter narras Cercoeti. profecto non miror, si tam facile Cercoetus assentiatur Petauio, & iniurato etiam credat, nouit ipse se Simon. tibi, Cercoeti, qui Petauius es, Petauium pro bono viro & minimè mendaci habere fortasse permissum sit, mihi qui fidem eius subleſtam in multis sum expertus, haud ita credulo esse liceat. & sanè hic vbi magnam illius hoc est tuam ipsius simplicitatem & ingenuitatem prædicas, maximam ipse fraudem & imposturam deprehendi. In Epitome Audianæ Hæreseos hæc leguntur verba:

ἐπισημαίνονται δὲ ἡμῶν ψευδοῖς τῶν παρ' ἡμῶν ὁρισμῶν.

τῶν πλοῦτων καὶ ἄλλων versio Petauiana: *Nam Episcopos nostros, nec non & diuites aliosque condemnant.*
 Hanc ipsissimam versionem accommodasse se breuiario Anacephalæoseos, per Cercoetum narrat nobis Petauius; hinc esse factum vt verba breuiarii in Anacephalæosi licet aliquantulum dissimilia sint, eandem habeant interpretationem: ita enim ibi legitur: *ψευδοὶς τῆς καθ' ἡμῶν ἐπισκόπων πλοῦτων καὶ ἄλλων.* Sed rogo te Petau per Cercoetum itidem mihi respondere si vtrique breuiario eadem, & per omnia sibi respondens interpretatio aptata est, si hoc ipsum operis mandaueras, vt exemplum ad quod æneis typos dirigerent, diligenter seruarent, si ex eo postea folia illa legens quibus indiculi continebantur, ea glutino commisisti, vt Anacephalæosi eadem interpretatio adponeretur, quæ fieri potuit illud, vt in vtroque breuiario cui eadem omnino seruire versionem voluisti, tam diuersa tamen reperiatur interpretatio eorundem plane verborum? sic enim in vtroque indiculo habetur scriptum: *κέχρηται δὲ ἡ ἀποκρίσις πολλοῖς ἀτακτοῦς.* Hæc verba in indiculo quod Audiana Hæresi præpositum est, ita redduntur: *Apocryphis libris & multis & ad fastidium abutantur.* In illo autem Indiculo quod in Anacephalæosi extat, hæc illorum legitur versio: *magna est apud illos Apocryphorum librorum copia.* Magna hæc interpretationū diuersitas in similibus & iisdem prorsus verbis. Cum eandem dicas vtrique adpositam interpretationem, folijs ad hoc seruatis & glutinatis, quis postea mutauit? an verba ipsa

sua sponte sede sua se commouerunt? si mutasti ipse, quid illa quæ mutatione non indigebat, quibus eadem versio optimè conueniebat sollicitabas, quæ vero eandem interpretationem admittere non poterant, cum eadem interpretatione relinquebas? cur, inquam, similium verborum dissimilis versio, dissimilium vero similis interpretatio non in eadem pagina sed in eadem pæne periodo relictæ est? ita enim in utroque breuiario scriptum est: *κέχρηται δὲ καὶ ἀποκρύφους πολλὰς κατακόρας ὅσων χροῖται δὲ ἡμῖν*, &c. prior pars quæ in utroque Indiculo similis est dissimilem habet versionem, altera vero ὅσων χροῖται δὲ ἡμῖν, quæ in utroque variat, eandem tamen sortita est interpretationem. Vastrum fanè illud & ingeniosum commentum de folijs seruatis & glutino commissis, quo ad se purgandum vsus est Petauius tuus, ô Cercoeti, sed quam verum sit, quam simplex & ingenuū, iudicent nasutiores. Hæc omittamus, ad rem veniamus ipsam. In Epitome quam Audianorum Hæresi præfixit ita scribit Epiphanius de Audianis; ὅσων χροῖται δὲ ἡμῖν ψέγοιτε τοὺς παρ' ἡμῖν ἐπισκόπους πλουσίους καὶ ἄλλους. Ita in Græca Basilicensi, & in manuscriptis codicibus extare tradit pro Petauio Cercoetius. omnes, inquit, post ἐπισκόπους distiguunt, & πλουσίους separāt, hoc sensu quem Petauius expressit: *communes nobiscum orationes non habent, nam Episcopos nostros, nec non & diuites aliosque condemnant.* Ego ὅσων χροῖται τολlebam atque ita legebam, ψέγοιτε τοὺς παρ' ἡμῖν ἐπισκόπους πλουσίους καὶ ἄλλους, hoc sensu vt Episcopos diuites & alios è clero pariter diuitiarū cu-

pidos damnauerint Audiani, & hanc causam se-
 cessionis habuerint. stolidissimum hoc esse Cer-
 coeti dicis, & præter Epiphaniij mentem & Hi-
 storix veritatem. Rogo te acutissime & verita-
 tis amantissime Cercoeti, de mente Epiphaniij
 & Historix veritate nunc sollicitius inquiramus
 ut videamus uter nostrum stolidior sit, &
 longius abeat ab Epiphaniij sensu. Credisne aliud
 in Epitome & breuiario, aliud in ipso Historix
 corpore aut dixisse, aut dicere Epiphanium vo-
 luisse? Scribit in Historia Audianorum Epipha-
 nius cui Epitomen illam præmisit, Audianos fa-
 ctione Episcoporum & aliarum clericorum,
 quos illi quacunque occasione nimis liberè
 quasi diuitiarum & lucri cupidos incessabant;
 ab Ecclesia coactos esse secedere, & à commu-
 nione orationis sese segregare. Epiphaniij de
 Audio hæc verba sunt: ὅς πολλάκις θυνώμενος πρὸς
 τοὺς ἐκκλησιαίαις γενόμενος, εἰς τοσοῦτοι ὁπισκώπωνι τὸ καὶ
 πρεσβύτεροι ἐλεεινὰς ἀντιπαθεῖς τοῖς τοῦ τοῦ λέγοντος, ὃ καὶ
 ταῦτα ἔπος γένετο, ἐν ὁποίᾳ ταῦτα ἔπος περὶ τῆς
 Idem paulò post apertius: διὸ ταῦτα ἐρεῖ ὡς πε-
 ρὶ τοῦ τοῦ ἐκκλησιαίαις λαλεῖν ἡγεμέζετε πρὸς ἐλεεινὰς, ὃ
 ἐν ἐπιστάται, εἴτα γὰρ εἰδὲ πρὸς φιλοχρηματευόντων τῷ κλή-
 ρου ἢ ὁπισκώπωνι ἢ πρεσβύτεροι, ἢ ἔτι πρὸς τὰ καὶ τοῦ
 τοῦ πάντως ἐφθίγγετε. Vides Cercoeti, si quid vides
 Audium Episcopos & alios clericos, non qua-
 tenus Episcopos, sed quatenus pecuniarum plus
 æquo cupidos, & diuitiis cumulandis intentos
 reprehendisse, & incessisse. Vides hanc esse hic
 Epiphaniij mentem. in breuiario quo summa-
 tum collegit quæ in Historia de Audianis
 πλεονεξίας posuit, cur aliam vis eius mentem fuisse?

Cur non Episcopos diuites, sed Episcopos tantum quatenus Episcopos, ab Audianis damnatos facis eum dicere, cum nihil tale in historia de illis dixerit? Cur enim illi Audiani Episcopos simpliciter damnassent? quia priuatos inquis, habere ipsi volebant. en cor Zenodoti! en iecur Petauiocercoetianum! Hæc ipsa secessio est priuatos habere Episcopos, non secessionis causa, atqui hanc vnam secessionis causam Audianis fuisse tradit Epiphanius, quod Episcopos damnarent, & ceteros clericos: causam aliquam oportet fuisse quare Episcopos & Presbyteros auersarentur, at enim eam aperte declarat Epiphanius, quod Episcopi alijque φιλοχρηματιώτες essent, & aggerendis pecuniis nimis attentè inuigilarent. quin immodè certissimum est Audium cum suis sectatoribus per vim & factionem diuitum Episcoporum, & aliorum clericorum, qui reprehensiones eius ferre non poterant, ab Ecclesia expulsum fuisse, non sponte secessisse: quod idem Epiphanius testatur his verbis: ὁ δὲ Ἰουλιανὸς ἀλλ' ἐβιάζετο μᾶλλον ἀλθύναι μὴ λέγειν, μὴ ἀναχεῖν ὅτι τῷ συνδισμῷ τῆς μᾶς ἐνώσεως τῆς ἀγίας Καθολικῆς Εκκλησίας. ὡς ὅτι ἐτύπτετο αὐτῶν τὸ ὅτι οἱ αὐτοὶ πολλὰκις, τὰ δευτὰ τὸ ἐπαρχει βδρυτοῦνται, σύμβουλοι λαμβάνει ἐαυτῶν πλεῖν ἀνὰ κλῆρον τῶν ἱερέων, ἐαυτοὶ γὰρ ἀφιερίζουσι τὴν ἐκκλησίαν. Vi & iniuriis Episcoporum vnitatem Ecclesiæ rumpere coactum Audium fuisse ex his constat. Præterea falsissimum illud est damnatos ab Audianis Catholicos Episcopos quod ipsi priuatos & suos Episcopos habere vellent, numquam enim habuerunt. in monasteriis inclusi vitam

degebant in quibus nihil separ aut separatum ab Ecclesia Catholica nec in doctrina, nec in politia habebant nisi communionem precum. Propter clerum diuitiis quærendis tunc plus satis attentum, ab Ecclesia se se segregarunt, non Clerum ipsi sibi priuatim cooptarunt, sed post secessionem in monasteriis, & solitudinibus, ab hominum consortio separati viuebant. Ex mente igitur Epiphaniij & Historiæ veritate cõstat in Græcis Epiphaniij verbis tollendum esse ἡ πόρνη μὲν, & legendum: ὁ γὰρ τοὺς τοὺς παρ' ἡμῶν ἐπισκόπους πλουσίους ἢ ἀμείους. idest, *Damnantes Episcopos nostros diuites & alios d clero scilicet pariter diuites.* Alias minimè responderet Epitome integræ Historiæ. quid enim tam diuersum quam Episcopos idèo tantum damnare, quod sint Episcopi, vel eos reprehendere quod diuites sint? An Audius vir sanctus & optimæ vitæ, & rectè in omnibus de fide sentiens, & qui Ecclesiæ vnitatem retinere obnixe semper studuerit, nec nisi per vim demum, & iniurias Episcoporum & Clericorum, vnitatem illam sciderit, Episcopos integros & puros damnaſſet & ob id tantum quod essent Episcopi? quid tam contrarium Epiphaniae de illo Audio & Audianis narrationi de diuitibus idem est, cur enim diuites illi quatenus diuites damnaſſent? an diuites in Ecclesia omnino esse nolebant? an ideo ab Ecclesia discesserunt, quod aliqui in Ecclesia diuites essent? & cur non potius, quod scortatores, quod adulteri, quod luxuriosi & ambitiosi? nusquam sine malæ vitæ hominibus Ecclesia est. at quam multi diuites sunt & optimæ vitæ,

& valde pij & in pauperes erogatores? cur igitur vniuersè diuites damnet Audius causæ nihil erat. at, inquis, à diuitibus ideo abhorrebant, quod diuitum peculiare sit scænebre malum. quis hoc tibi dixit, ô fatue, diuites omnes scenus improbum exercere, immo quam hoc falsum est? Cum diuites simpliciter Epiphanius nominarit, an vis illum per diuites intellexisse sceneratores? quam prodigosè hoc absurdum! quinam illi postremo alij quos cum Episcopis, & diuitibus vituperare solitum Audiũ scribit Epiphanius? *ἄγους τοὺς παρ' ἡμῶν, πλουτοὺς, & ἄλλους*. qui sunt isti *ἄλλοι*, pariter ab Audianis vituperati? cuius generis homines aut cuius fortis? reliqui, inquis, omnes quod cum istis communicarent. faceret. scilicet Audius homo sanctus & Orthodoxus, ita describitur ab Epiphaniõ, reliquos omnes tunc temporis Catholicos ideo condemnasset, quod cum Episcopis & cum diuitibus communicarent. quid monstrosius fingi potest? vbi porro huius rei vel in Græcis verbis vel in tota historia Audianorum vllum vestigium? profecto mirificus est interpres ille Petavius tuus, quod in Græcis est omitit, quod non est subaudiendum ac supponendum putat. ineptissime mortalium, nec Episcopos, nec diuites Audiani condemnabant, nec alios qui cum ipsis communicarent, sed diuites Episcopos aliosque clericos reprehendebant. Atque hic est horum verborum sensus, vt ex historia Epiphaniij constat. vt sensus quem verbis illis affingis constaret, ita Græcè legi oportet: *ἄγους τοὺς παρ' ἡμῶν ὁσιώτας, & τοὺς πλου-*

σίαι. Nec enim Græca sunt ista sic ἀσυνδίκως con-
cepta: λέγοντες τοῖς παρ' ἡμῶν ἐπισκόποις, πλυσίαις ἢ
ἄλλοις. Imperitissimum Græcè oportet esse, vel
Cercocetiano vel Petauiano modo qui senten-
tiam tuam super hoc loco probet. Sed ὑποτίγμῃ
in libris omnibus habetur inter ἐπισκόπους, &
πλυσίαις habetur? quid tum fatue? Numquid il-
lud tuum *nec non* quod loco illius ὑποτίγμῃς in-
terposuisti, extat in Græcis? vt religiosus homo
es! Hæc causa est quare in Oratione de resur-
rectione κατέπαυσαι ἱμνῶς θυσίας retinueris & ἱμ-
νῶς celebres reddideris, ἀπὸ τοῦ ἱεροῦ, scilicet, ne
discederes à vestigiis scripturæ vulgaris. Nam
certè nimis audax facinus fuisset corrigere, κα-
τέπαυσαι ἱμνῶς θυσίας.

*Minuti de argenteis in Historia Augusta.
ὅτι λεπτὰ Græcè tam de argenteis quam de
aureis, Salmasius à calumnia
Petauij defensio.*

PUILLA & abiecta & sordida indolis
Salmasium tibi videri minimè miror:
tibi inquam magnifico & excelso
magistro qui sceptrum vibrans ferulæ,
regnum possides in nates puerorum. quis ad
hoc fastigium comparatus, non vilis aut hu-
milis esset? Præterea quam sublimis ac raræ do-
ctrinæ sis Notæ testantur ad Synesium & Epi-
phanium tuæ, & postrema hæc præcipuè ad
Salmasii Notas Animaduersa. Sed in ista tua

ingenii doctrinaque profunditate puteum te
 puto Cercoeti, quanto altior estam magis es
 despicabilis: nam iudicii & sensus communis in
 omnibus magnam inopiam confiteris. De mi-
 nutis ac λεπτοῖς mendacium heic eadem fornace
 recoquis quam ad hoc ipsum aduersus Salma-
 sium accenderas in Epiphanio tuo. Persuasum
 antea doctis fuerat *minutos* Latinè & λεπτὰ Græ-
 cè nonnisi de ærea moneta vsurpari. vt hunc er-
 rorem ex eorum animis euelleret Salmasius o-
 stendit vbique in Historia Augusta *minutos*, de
 argenteis non de æreis nummis esse accipiendos
 ita etiã & Græcos τὰ λεπτὰ accepisse de argen-
 teis nempe denariis siue drachmis. At Salma-
 sius nunquam docuit, nunquam dixit τὰ λεπτὰ
 apud Græcos vbique de argento vsurpari, nec
 huius commenti auctoritatem vsquam sibi vin-
 dicauit, quod tuum impudentissimum com-
 mentum est. vbi enim negauit Salmasius τὰ λε-
 πτὰ de æreis nummis apud Græcos sumi? aut
 quomodo id negare potuisset, cum ad Hist.
 Aug. ea de re tota dicturum se polliceatur ad
 vetus Rationale imperii in quo pluries mentio
 fit λεπτῶν τετραχίαι, qui nummuli sunt ærei? cum
 denique sexcenta auctorum loca editorum non
 editorum possit producere, in quibus τὰ λεπτὰ
 nummi sunt ærei? Nec illud sane, etsi vellet, po-
 terat ignorare, sic τὰ λεπτὰ χαλκία dici posse, vt
 τὰ λεπτὰ ἀργύρια. At illud quod a doctis negaba-
 tur asseruit, τὰ λεπτὰ apud Græcos etiã pro
 drachmis & argenteis denariis sumi vt *minutos*,
 Latinis pro argenteis minutis. Sophisticas heic
 tuas nugas & cauillationes nihil moramur.

Ostende Salmasium negasse aliter τὰ λεπτά summi
apud Græcos quam de argenteis, tum tu vicisti.

Calumnia, & impostura Petanij.



Vod tuum est & Petapianum fa-
cis, hoc est impudentissimè men-
tiris cum hunc controuersiã sta-
tum inter te & Salmasium esse di-
cis vtrum quæ Marcus *minuta* si-
ue λεπτά duo vocat, drachmæ sint ac denarii ar-
gentei an ære minuti. Nusquā hanc Salmasius
controuersiam mouit, nec super hac controuer-
sia iudiciū suum interposuit : sed vt ostenderet
τὰ λεπτά Græcos scriptores etiam pro nummis
argenteis interdum posuisse, ita quosdam au-
ctores τὰ λεπτά apud Marcum accepisse proba-
uit. Rectè ne an secus ita illi interpretati essent,
quærendum tunc non putauit. Nec id sanè
agebatur. quare falsissimum est quod vis velle
Salmasium duos illos denarios argenteos fuisse.
Hæc profecto vis est. Nusquam id Salmasius
se velle, aut hanc suam sententiam esse osten-
dit, nec illam interpretationem quæ de argen-
teis, τὰ λεπτά accepit apud Marcum, vel vnico
verbo vsquam comprobauit. An non tu insi-
gnis imposturarum fabricator es? quod Salma-
sius quosdam ex veteribus τὰ λεπτά apud Mar-
cum exposuisse dixerit, hanc eius expositionē
esse inde asseris, quo quid fingi potest συκοφαν-
τώτερον.

ANTONIUM CERCOETIVM. 17
*De fragmento Heronis. quia differant λεπτόν
 & λεπτεπίλεπτον. δινάρια pro drachmis
 non pro nummis areis apud Græcos.*



Stendi tibi in confutatione tuorum
 Animaduersorum plerosque Græco-
 rum veterum τὰ λεπία de drachmis
 accepisse apud Marcum. inter illos
 Heronem citavi, quem etsi solum habērem, v-
 nus esse pro centum poterat. Epiphanium in
 eadem opinione esse te docui, qui & anteriores,
 vt par est sequutus est, & quem posteriores fe-
 re omnes sunt sequuti. Itaque Hesychius ac-
 cepit, ita Isidorus, ita alij plerique: nullum
 Græcum Lexicon vetus, nullum rei nummarie
 vetus extat fragmentum, in quo non habeatur
 illa expositio qua *νοῦαδ' ἐστὶν*, siue quadrans, si-
 chus exponitur duabus drachmis valens. sic
 cum quadrans duabus drachmis valeat, vel
 duobus minutis, duo minuti hoc est *δύο λεπία* se-
 cūdum hanc interpretationem duæ sunt drach-
 mæ. nulla *χαρμικὴ ἀπόδειξις* certior est. Heronis
 auctoritatem eleuas quia is auctor nondum edi-
 tus est, & cum penes me habere dixi suppositi-
 tium itaque putas esse. vt ne diutius in eo erro-
 re sis indicare tibi non grauabor, non vnde il-
 lud fragmentum acceperim, sed vnde ipse acci-
 pere possis. Simile extat fragmentum illi quod
 penes me habeo in Regia Bibliotheca sub He-
 ronis nomine. Potes adire & videre. Nunc fi-
 des mea in tuto est. pergamus. Dicis Heronis
 verba quomodo à me relata sunt non illud te-
 stari quod assero: minuta duo viduæ duos ar-

genteos fuisse denarios. Noui ego te: negare posses solem mero meridie lucere. Verba Hero-
nis hæc sunt vt à me relata fuere: Σικλοι δύο τῆς
σικελίδος, ὅ ἐστι ροπή, ἔχει δὲ δύο λεπτὰ χαλούματα, ἃ
εἰσι δραχμαὶ δύο, sequitur paulo post: σικλος δὲ χα-
λεῖται κεδράτης, ἐμμεύεται δὲ ἐκ τῆς ἰβερίδος ἡγουμένου
δισμοῦ, δυο δὲ δραχμαὶ ἔχει. en sicles idem cum
quadrante! sicles habet duo minuta quæ idem
sunt cum duabus drachmis. quid apertius quarn
& δύο λεπτὰ pro duabus drachmis in Euangelio
illum accepisse, & κεδράτης pro siclo? solis fa-
tuis, & duris capitonibus, vt Ceroetio Petauio-
que hoc minus apertum esse potest. Sed alio
loco scribit idem Hero: ἀνάστα δὲ ἵσται ἐκείνα δύο
τὰ ὑπὸ τῆς χίρας εἰς τὸ γαζοφυλάκιον βεβλημένα, ἃ καὶ δύο
λεπτὰ ἐκκαλεῖτο. ex hoc loco arguere, & argutari
vis non de argenteis sed de æreis nummis duo vi-
duæ minutos accepisse, quia inquis denarios no-
minat, quos ex Hilario & aliis nummos æreos
fuisse constat. primùm quis tibi Hilarium de æ-
reis denariis intellexisse dixit, & non potius de
argenteis? sed mittamus Hilarium, hunc He-
ronem discutiamus. Paulo suprà idem docuit,
δύο λεπτὰ δύο δραχμαὶ esse: ἔχει δὲ δύο λεπτὰ χαλούματα
ἃ εἰσι δραχμαὶ δύο, qui τὰ λεπτὰ ibi de drachmis
hoc est argenteis denariis interpretatur, quomo-
do heic nisi ipse sibi vellet ire contrarius, de de-
nariis æreis τὰ λεπτὰ acciperet? Præterea τὰ λεπτὰ
de argenteis tantum accipit: nam ærea minuta
λεπτεπὶ λεπτὰ vocari debere scribit, non λεπτὰ.
de quibus porro denariis, & de quibus minu-
tis intellexerit, si integra eius verba, vt à me re-
lata sunt, retulisses, dubitationi tuæ, quam ipse

tibi de industria finxisti, nullus locus fuisset, ita enim ille: ἀργαία δὲ ἦσαν ἐκείνα δύο τὰ ὑπὸ τῆς χρεως εἰς τὸ ραχοφυλάχου βεβλημένα, ἃ καὶ δύο λεπτὰ ἐκκαῖν, τὰ γὰρ ἀσφαρία λεπτὰ ἐκκαῖν ἦσαν. ubi manifesto τὰ λεπτὰ qui sunt ac argentei denarii & drachmæ, separat ab æreis minutis quæ ἀσφαρία vocantur & λεπτὰ ἐκκαῖν, hoc est minutissimi asses. Postremo quod iugulum petit, Græci auctores nunquam ἀργαία pro nummis æreis ponunt, & præcipuè paulo antiquiores, sed pro denariis argenteis siue drachmis ferè semper vsurpant, vt apud Romanos sumebantur. De quibus porro denariis intellexerit, ipse Hero te docebit. Nā in eodem fragmento minam argenti centum denarios habere scribit: ubi quin denarios de drachmis intelligat nec Cercoetio dubiū potest esse: μόνα δ' ἔστιν, inquit, ἀργύριοι ὅς ἐκκαῖν ἀργυροῦς δλωδρίοι ἐκκαῖν, ἐκκαῖν δ' δλωδρίοι ἀσφαρία ἔστιν ἐξήκοιται. ὁ δ' ἀργυροῦς μὴ πᾶσι ἐβραίοις λέγεται. eadem habent Epiphānius & Maximus, nec dubium quin ab Herone habeant, & δλωδρία pro drachmis euidentissimè acceperunt. idem Hero, siue is est Africanus, vt quidam libri præferunt, in alio fragmento quod Scaliger edidit τὸ δλωδρίον non aliter sumpsit: τῇ Ἀπικῇ δεαχμῇ inquit, χρητὶς τοῦς σταθμοῖς καὶ τίμισμα, ἐπιδίπρ' ἰσοδυόα μὲν ἔστι τῇ ἰταλικῇ καὶ ἐκκαῖν δλωδρίον ita enim in optimo Codice quē vidilegitur. hæc paulo aliter apud Scaligerū. idē paulo post: διαίρεται δ' ἐκ τοῦ ἐκκαῖν καὶ τὸ δλωδρίον κατὰ Ῥωμαίους εἰς μίση αἰρεῖ. ἔχει γὰρ προπαῖχά Β. ἰούμμοις δ'. ἀσφαρία ις. Hæc apud Scaligerum etiam corrupta προπαῖχά vocat victoriatos. Græci veteres omnes recentioresque qui de ponde-

ribus aut re nummaria aliquid reliquerunt, τὸ
 δυνάριον pro denario Romano argenteo posue-
 runt, nusquam pro æreo nummo vsurparunt.
 quæ de re nos alibi. Sed per quam facetus homo
 es, Cercoeti, cum Origenem, Athanasium,
 Gregorios ambos, Basilium, Chrysostomum,
 tibi dari auctores postulas, qui δύο λεπτά illa vi-
 duæ de drachmis interpretati sint.

Contentus esto, Κερκόεις,

His Κερκε testimoniis

quibus hanc rem satis superque videmur asser-
 uisse. Quæris quod nusquam est, quod habes,
 insuper habes.

*τὸ λεπτόν pro drachma. κοδράντης pro siclo
 vel didrachmo. locus Heronis exposi-
 tus. in scitia & peruicacia Petanij.*



Vperiore capite satis multis probavi-
 mus λεπτόν apud Græcos absolutè &
 sine substantiui adiectione reperiri
 positum, quod hæc confirmabimus,
 tum etiam planum faciemus planum & impo-
 storem esse Petauium, idque ex verbis eius aper-
 tissimè demonstrabimus. Negas Cercoeti, Pe-
 tauium vnquam inficiatum esse λεπτόν quando-
 que pro drachma sumi, sed hoc vnum admo-
 nuisse vbicunque λεπτά leguntur, non statim
 drachmas intelligi, sed plerumque minutos æ-
 reos, quod Salmasius, inquis, impudentissimè
 negauerat. Primum impudentissimum hoc mē-
 dacium est, quod ais Salmasium aliquando ne-
 gasse λεπτά de nummis æreis sumi. Hoc satis fu-

prà confutauimus. nunquam negauit Salma-
sius τὰ λεπία de æreis nummis accipi, sed pro-
bauit de argenteis etiam vsurpari, quod docti
viri negabant. Nunciam faciam Cercoeti, vt
fraudem tuam, & malam fidem recognoscas.
Negas Petauium inficiatum vnquam esse τὰ λε-
πία de drachma sumi, at ego tibi ex Petauij
verbis ostendā id illum disertè inficiatū esse. Au-
di verba eius: *Non illud quidem inficiamur ἀργεία
λεπία pro argenteis nummis accipi: vt in Glossis illis
Basilicorum, quæ solidis nouem ἑκτόβια λεπία tri-
buūt cxxv. sed eodē modo λεπία dicuntur quo drach-
mas alias esse λεπίας, alias παχίαις, auctor est Hesychius in voce λεπταλίοι. τὰς δεχαμὰς λεπίας μὲν τὰς
ἑξαβόλους, παχίαις δ' τὰς πλείους ἰχθύσας. sed non statim
consequens est λεπία pro drachmis simpliciter & sine
adiēctione sumi.* Hæc ipsissima Petauiana verba,
quæ bona fide nec tantillum immutata, aut im-
minuta retuli. His verbis, si Latinè intelligo, fa-
tetur quidem λεπία ἀργεία dici de nūmis argen-
teis, vt in Glossis Basilicis, & λεπίας δεχαμὰς vt
apud Hesychium, sed negat ex his consequi
λεπία simpliciter ac sine adiectione pro drach-
mis sumi. sic apertè inficiatur absolutè λεπία
pro drachma accipi. at hic negas id illum vnquā
inficiatum esse. Cedo, inquis, scriptorem vl-
lum qui quidem extet qui λεπία simpliciter
δεχαμὰς appellet. an maiore poscis Epiphania
tuo? quum ille κοδράντης Marci siclum interpre-
tatur, & duas drachmas habere dicit, qui apud
Marcum δύο λεπία habere dicitur, an non satis
euincit δύο λεπία duas drachmas esse, atque ita se
accepisse? cum enim nomina ponderum & nu-

morum quæ in sacra scriptura reperiuntur exponere se profiteatur, non potuit alium *κοδράντης* intelligere, quam cuius apud Marcum mentio est. ceteri omnes qui quadrantē siclum exponunt, & de quarta parte vnciæ argenteæ accipiunt, & in illa opinione sunt qua Epiphanius, duas drachmas quas habet *κοδράντης* eisdē faciūt cum duobus *λεπτοῖς* qui τῷ *κοδραντῇ* apud Marcū tribuuntur Omnes autem Græci Latinique scriptores qui ante & post Epiphanium vixerunt, quique de ponderibus scripserunt, vnanimiter *quadrantem* quartam vnciæ partem interpretantur, & siclum didrachmum esse exponunt, qui quartam vnciæ argenteæ partem prædebat. atque vt Marcus, τῷ *κοδραντῇ* δύο *λεπτά*, assignat, sic Hero in fragmento, siclo δύο *λεπτά* tribuit: ὁ *τατῆρ*, inquit, ἔχει σίχλους δύο, τῶδε σίχλοι ἔχεται *λεπτά* δύο, τῶδε *λεπτοὶ* ὀλίγῃ μίᾳ ὄντι. ὀλίγῳ esse *δραχμῶν*, atque ita Græcis appellari nemo est qui nesciat. Epiphanius: *καλῶτα* τῷ ὀλίγῳ ἢ *δραχμῇ*. Sic quadrantem & siclum eundem faciunt auctores, & *λεπτοὶ* idem cum drachma. qui omnes vt dixi, de illo quadrante Marci intellexerunt, qui δύο *λεπτά* habere dicitur, non de quadrante nummulo, cuius vsus apud Romanos, & mentio crebra apud scriptores Latinos. nam quadrans ille non quarta pars vnciæ sed quarta pars assis, vnciæ vero sedecima: æreus, non argenteus nummus fuit: minimus præterea æreorum nummorum qui in vsu essent apud Romanos, ex quo asses quaterni in vnciam cusi sunt, Plutarchus: τὸ *λεπτότατον* τῷ *χαλκῷ* νόμισμα *κοδραντῇ* καλῶσι *Ρωμαῖοι*. Hi sunt *quadrantes* quo-

rum tam frequens apud Martialem mentio occurrit, quos & nigræ, & plumbeæ monetæ nomine plerumque suggillat. Phædrus : *Qui dum quadrantes aggeras patrimonio*, de avaro ac deparco, qui nullū lucrum quamvis parū negligeret, ac per minutissimas monetarū sordes patrimonium augetet. Hinc *quadrantaria* meretrix quæ minimo corpus vulgat. minimā igitur omnium monetam æream apud Romanos constat quadrantes fuisse. & hanc rationem putem auctores habuisse quare *κοδράντις* apud Marcum de quarta vncie argenti parte, quæ duas drachmas habet, potius interpretati sint, quam de hac ærea minima moneta. Nam *κοι αδράντις* illum suum Marcus *δύο λεπία* habere dicit, immo *δύο λεπία* quadrantem efficere. Si quadrantem ibi de Romana moneta accipias, tum non minimus nummus fuerit apud Romanos quadrans, siquidem *δύο λεπία* habeat. sic *τὸ λεπὶον* minus aliquid quadrante, quum bina quadrantem reddant. at Romani scriptores præcipuè illius cui, nullum infra quadrantem æræ monetæ genus agnoscunt, nec nomen habent, quo eam exprimant. sed hæc alibi fusius ac subtilius erunt discutienda. Nunc querimus, an *λεπὶον* drachma sit. Vetus auctor fragmenti Budensis, quod à Camerario vulgatum est, *λεπὶον*, clarè drachmam esse scribit, si verba eius rectè legātur, quæ in editis corrupta sunt, nos ea ex veteri Codice sic corrigenda asserimus : *ἔχει δὲ ἡ σελήνη ἡμῶν τὸ ὑλικίας, σίχλους δύο, πάλιν δὲ τὸ σίχλος ὃ ἐστὶν ἡμῶν τῷ στατήρῳ, τέταρτον τὸ ὑλικίας ἔχει λεπία δύο, τὸ δὲ λεπὶον ἑλκὲς μίαν ἐστὶν, ἡ δὲ σελήνη τὸ ὑλικίας, ὡς πρὶν δὲ καὶ ἐξ ὧν καὶ*

λαται. Illustris si quis alius ad hanc rem quam
 probandam nunc habemus, locus. perperam
 vulgo legitur, ἔχει λεπία κ', τόδε λεπὸν ἑλκὺς μίας
 ὅτι δεκάτον. ex veteri libro quo fragmentum il-
 lud continebatur, ita emendauimus. stater duo
 siclos habet, siclus qui & quarta pars vnciae &
 quadrans, duo minuta quæ idē sunt cū duabus
 drachmis. τὸ λεπὸν quod idem cum drachma,
 octaua pars vnciae, & obolus à quibusdam vo-
 cabatur, obolus nimirum argenteus. Hæc om-
 nia confirmat ὁ ῥῶνδω Heronis fragmentum
 his verbis : ἄλλως ᾗ πάλιν μερίζεται ἡ ὑψία παρ'
 ἱεραῖς ἕς στατήρας β'. ὁ ᾗ στατήρ ἔχει σίκλους β'. τόδε
 σίκλος ἔχει λεπία δύο, τόδε λεπὸν ἑλκὺς μία ὅτι. ὅτι δὲ
 ὀγδοὺ τ' ὑψίας, ὥστε πρὸς τὸν ὀβολόν. Sic δραχμή, ὀλ-
 κή, λεπὸν synonyma sunt, atque etiam ὀβολός, ut
 in confutatione docuimus. Nam & obolum de
 drachma dixerūt, ut non mirū sit & λεπὸν drach-
 mam appellasse, quā & ὀβολόν appellarint. Lexi-
 con vetus : σίκλος ὀβολοὶ τέσσαρες intelligit siclum
 tetradragmum. Fragmentum incerti τοῦ σταθ-
 μῆος ὀβολός ὁ ἔξ ὀγρόντων ἀγὶν ἡράμματα πρία, ἑλκὺς ἀγὶν
 ἡράμματα πρία: aliud fragmentum : ὀβολός ὁ ἔξ ὀγ-
 ρόντων ἀγὶν ἡράμματα πρία ὁμοίως καὶ ἀπὸ στατήρος, καὶ ἄλλος
 ὀβολός καὶ εἰς ὀγροῖς ἐπιπύκω. ὀγδοὺ ᾗ ἡ καὶ ἔτος
 τ' ὑψίας. Hic obolus argenti drachma est, quæ &
 tria scriptula pendebat, & octaua pars erat vn-
 ciæ. Epiphanius in hac voce corrigendus, & tu
 castigandus quia non correxeris : ὀβολός καὶ αὐτός
 εἰς ὀγροῖς ἐπιπύκω, μετρεῖ ᾗ ἡ καὶ ὅτι ὑψίας.
 Quem locum locum ita vertis: *Obolus inter num-*
mos argenteos signari solebat, ac pondus habebat vnc-
ciæ. Vbinam legisti vnciales obolos? Hæc ab-

surditas te cogere debuit ut de correctione cogitares. ita porro legi debet : *μάτρη θ' ἔχ' ὅτε ὀγδοὶ τ' ὕλκας*. una littera omilla est ἡ, hoc est τὸ ὀγδοὶ. & confirmat id vetus versio quam vidisti : *Obolus* & ipse in argenteis formabatur qui erat & ipse octava pars unciae. Sic *λεπτοὶ* & *ὀβολοὶ* etiam de argento, & utrumque pro drachma. Eusebius *ὅτι παλαιῶν κοδράντης τῷ μὲν ἀγῶνι χαμάτα τ' λεπτοὶ ἀγῶνι χαμμάτα τετα*. *τ' λεπτοὶ* quod idem cum drachma est pendit scriptula tria. *κοδράντης* qui *δύο λεπτά* habet, hoc est duas drachmas, pendit scriptula sex. in veteri fragmento incerti : *ὁ γὰρ ἰομίσματα τετα ὁ β' δραχμὰς δύο, ὁ δ' καλεῖται κοδράντης*. In alio : *ὁ κοδράντης καλεῖται σίχλοι ἔτι θ' πέτραι τ' ὕλκας*. Vetus Lexicon quod est in Bibliotheca Regia nōdum editum : *Κοδράντης ἐκτοσμός, ἡ λεπία δύο, ἡ δ' ἔχασσι τῷ λεπτῷ, ἡ ἡ περὶς, ἡ αὐτὴ δ' ὀδύμματα*. Ita, ut iam dixi, plerique omnes *quadrantem* nummū esse Hebraicū, didrachmum, eundem cū siclo, qui quartam unciae partē faceret, ex illo Marci loco acceperunt, ac proinde *δύο λεπτά* quæ quadrantem efficiunt, duas drachmas interpretati sunt. Vetus fragmentum Latinum de ponderibus in Antidotario R. B. *Quadrantem Hebraei vocant quadram, quod quartam partem unciae appendat*. Auctor incertus de Ponderibus qui cum Agrimensoribus editus est : *Duo quadrantes staterem faciunt, duo stateres unciam reddunt*. Eadem habet Isidorus. Hæccine satis sunt ad retundendam tuam pertinaciam ? tam confidens es, ut fragmenti Heronis, quod non vidisti, rectam tibi arrogare sustineas interpretationem. Hæc

enim verba ex illo fragmento, πὲ γὰρ ἀσάχεια λε-
 πιλίπλεπια ἦσαν interpretamentum esse dicis isto-
 rum, ἃ ἔξ δύο λεπλῶ ἀκαλῶν. vt nimirum apud
 Heronem ἀσάχεια, & λεπλῶ eadem sint, cum de-
 narijs, & ab drachmis diuersa. Locum integrū
 Heronis afferre non pigebit, vt isthæc abs te
 confidentia discedat, & veris tandem concedere
 discas: πάλαι τοι τῷτο, de Alexandrino loquitur,
 ἵκε λιτρῶν ὑπέρχει, καὶ ᾧ λεπλότητας ἐν τῷ το-
 μίσματι αἷς λεπτοὶ κοπίσας αἷς, ἔσ διαρῶνται ἃ χαλῶνται
 ἀσάχεια, ὃ ἐρμηνεύεται ἐκ τῷ ἐβραϊσμοῦ ἡλατῆ μέρους. ἔ-
 ᾧ ἀσάχειαι ὑπέρχει τὸ δινάριον, ἐκατοὶ ᾧ δινάριον ὃ
 ἀρῦροισ. δινάριον ᾧ ἦσαν ἐκείνα δύο πὰ ὑπὸ τῷ χίρεας
 αἷς τὸ γαζοφυλάκιον βιβλημῶν, ἃ ἔξ δύο λεπλῶ ἀκαλῶν,
 πὲ γὰρ ἀσάχεια λεπιλίπλεπια ἦσαν Vides cum aper-
 tē denarios ab assibus distinguere. πὰ λεπλῶ ea-
 dem cum denarijs facere, & denarios drachmas
 intelligere, qui centeni in minam imputantur,
 quam ἀρῦροισ vocat. cuius generis denarios
 hoc est drachmas, quæ & λεπλῶ vocari dicit, à
 vidua illa in gazophylaciū fuisse coniectos. Hu-
 iusmodi denarios λεπλῶ dici scribit, cum ἀσάχεια,
 quæ sexagena denario imputantur, λεπτίπλεπια
 potius sint vocanda. πὰ λεπλῶ illa denique quæ
 cum denarijs eadem facit, drachmas esse paulò
 pòst afferit his verbis, Σίχαι ἀπὸ τῷ σκελ ἐβραϊσμοῦ,
 ὃ ἐστὶ ροκὴ, ἔχει ᾧ πὰ δύο λεπλῶ χαλῶνται, ἃ αἰὶ δαγ-
 μῶ Si denarij quos vidua in gazophylacium cō-
 iecit, λεπτῶ sunt, vt idem scribit; πὰ λεπλῶ ve-
 ρο δαγμῶ, quis dubitare possit quin denarij
 drachmæ sint? quid nunc hisces? ab hac ma-
 china qua parum & ipse confidebas, ceu pe-
 rauro excussus, aliam ineptē moues controuer-

siam. Ostendédum nobis esse vis, Euangelistarú temporibus τὴ λεπτή pro drachma, vulgo acceptum fuisse, immò tibi, o fatue, huiusrei probatio incumbit. tuum est ostendere non ita vulgo Neronis ætate λεπτή de drachma vsurpari solitum. Ostendimus tibi Heronem, Epiphanium & alios plerosque veterum, tam ex vsu temporum suorum, quam ex anteriorum sententia τὰ λεπτὰ pro drachmis in Evangelio Marci accepisse, nunc ostende nobis ipse, si potes, Euangelistarum ævo τὰ λεπτὰ pro drachmis accepta non fuisse. Hoc si præstare queas, magnus vir eris. & quis enim dubitet quin & Neronis ipsius ætate, vt sequentibus, τὰ λεπτὰ de drachmis vsurpata sint, subaudiendo ἀργύρια, vt & λεπτὰ de areis, subintelligendo, χαλκία? Iuuenalis:

— *Concisum argentū in titulos, faciesque minutas.*
 Per facies minutas, τὰ λεπτὰ expressit, argenteos nimirū denarios, siue drachmas. Nam & in Historia Augusta minuti passim, & minuti argentei pro denarijs sumuntur. sic & λεπτὰς absolutè dicebant de drachmis Atticis & minoribus, vt à maioribus distinguerēt, quas vocabant παχίας. Hesychius: λεπτὰς, ἢ παχίας Ζάλωις ἐν Νόμοις, τὰς δραχμὰς, λεπτὰς μὲν τὰς ἑξαβόλους, παχίας δ' τὰς πλείους ἔχοντας. Si λεπτὰ simpliciter sunt drachmæ, ad distinctionem maiorū, quidni & λεπτὰ pro iisdem subaudiendo ἀργύρια, ad differētiam maiorum ἀργυρίων Nam & μία ἀργύριος de mina dixerunt, & λεπτός ἀργύριος, atque etiam absolutè λεπτός citra adiectionem substantiui, de drachma, omnium igitur ætatum fuit, vt λεπτὰ dice-

rentur tam de argenteis quam de æreis nummis. distinctionem illam temporum de qua heic nobis argutaris, reseruandam tibi censeo libro tuo quam paras de temporum antiquitate, ibi & disputabis an temporibus Apostolorum discrimē fuerit inter ἱστορίαι & σαυδάλιοι & ἀναποστολι caligati militariter fuerint, vt eos fuisse vis in tuis Animaduersionis. .

*Quid λεπτόν, quid κοδράτης, quid ἀσάειον.
loca Hesichij explicata, & illustrata.*



Triumphat heic Cercoetius. nusquam παιδαγωγικῶς πρὸς τὴν ἀποδείξιν exultauit, & insultauit. Plane diceres ab eo castris exutum Annibalem, aut Alexandrum magnum fugatum. teneri amplius non potest. vnde illi tam ampla, ac tam benigna triumphati materies? Exciderit mihi fortasse, si tamen excidit, dixisse semel tantum in sacra scriptura *quadrantis* mentionem fieri, quum bis fiat. Hinc illa plusquam solemnis insolentia quod in re nibili, saltem non magni momenti, memoria mihi imposuerit: ego propterea χλιιδής, ego stolidus, nemo sic vnquam delirauit bipedum, aut clitellas ferre dignior fuit. Clementer tandem Cercoeti, & ausculta. Volo esse clitellarius brutus, bipedum stolidissimus, & quod hæc omnia superat, etiam cum Petauio Cercoetius, si istic errauit, vbi memorię mihi lapsurn pro tanto crimine impingis. Quid tibi

fiet, si calumnie te ipsum evidentissime con-
 uictum prehendero, aut verba mea te minimè
 intellexisse conuicero? Nihil aliud volo nisi ut
 Petavius, sis & mancas Cercoetius. Dixi Epi-
 phanium cum *κοδράντης* duas drachmas esse ex-
 posuit non alium locum respexisse quam illum
 Marci in quo *κοδράντης* duo *λεπτά* habere dicitur.
 sic *δύο λεπτά* duas drachmas esse Epiphanio. cum
 enim omnia quæ in scriptura sacra reperiuntur
 nummorum genera, ac nomina, susceperit ex-
 plicanda, de voce *κοδράντης* certum est non a-
 lium intellexisse quam cuius in sacra scriptura
 mentio fiat. Cum vero etiam *κοδράντης* in duas
 drachmas diuidat, non alium scripturæ locum in
 mente habuisse quam illum Marci apud quem
κοδράντης diuiditur in *δύο λεπτά*, nullibi enim ex-
 tare in scriptura quadrantis mentionem, ubi
 quadrans duo minuta esse exponitur, quam a-
 pud Marcum. Hic sensus meorum verborum,
 quæ si aliter ac debuisti interpretatus es, quod
 tibi in omnibus solemne est, hoc mihi frau-
 di esse non debuit. Nec sanè ad rem attinebat
 scire quam sæpe mentio occurreret vocis *κοδράν-
 τής* in Evangelio, sed de quo quadrante intelle-
 xisset Epiphanius. Ostendi de alio quadrante
 non intellexisse, quam de illo Marci Euangeli-
 stæ cui *δύο λεπτά* tribuuntur. Mentio etiam *τῷ κο-
 δράντης* apud Matthæum, quid tum? ibi *ἕχας κο-
 δράντης* nominatur. Tu minimum nummum in-
 terpretaris. sic *κοδράντης* Matthæi non possit
 idem esse cum *κοδράντης* Marci. Marci *κοδράντης*
 non est *ἕχας κοδράντης*, nec minimus nummus,
 nam diuiditur in *δύο λεπτά*, igitur illa duo minuta

minora sunt quadrante, & quadrans dimidio maior vno minuto, & sanè apud Lucam *χαλὲ λεπὶς* dicitur, *ἰσχαλὲ καὶ δ' ἑαυτῆς*. quod verius est, nam cum *δύο λεπτὰ* sint in quadrante, τὸ λεπτὸν ultimus & minimus nummus verius quam quadrans, immo *quadrans* neutiquam ultimus, quum in species vltiores & minores diuidatur. tu tamen opinaris Marcum non aliter vocem *καὶ δ' ἑαυτῆς* vsurpasse ac Matthæum, quæ magna infcitia est. Matthæo *καὶ δ' ἑαυτῆς* nummus est, & quidem ultimus, minimusque, quod conuenit cum significatione *quadrantis* Romani, qui *λεπτοίπες* fuit Romanæ pecuniæ. At apud Marcum *δύο λεπτὰ* dicuntur quadrantem efficere. ergo Marco *καὶ δ' ἑαυτῆς* non est ultimus, nummus sed τὸ λεπτὸν. ideoque cum Luca magis conuenit qui *λεπτοὶ ἰσχαλὲ* facit, quam cum Matthæo: à notione vero *quadrantis* Romani prorsus alienum est, qui infrà se nummum alium non habuit, sed minimus fuit & ultimus nummorum, qui Romanis vsitati. Præterea considerata verba Marci sunt, qui non dicit simpliciter viduam illam *καὶ δ' ἑαυτῆς* in gazophylacium misisse, sed *δύο λεπτὰ*, quæ *δύο λεπτὰ καὶ δ' ἑαυτῆς* facere significat. per hoc videtur *quadrantis* nomine non minutam illam pecuniam, quæ apud Romanos sic vocabatur intellexisse, sed quartam partem alicuius ponderis. qua in sententia fuisse veteres omnes interpretes video, & cum duplici quidem interpretatione, quod nemini recentiorum hæcenus suboluit. & prima quidem fuit eorum de qua iam dixi, qui *καὶ δ' ἑαυτῆς* apud Marcum pro quadrante vnciæ argenti acceperunt.

Hi sunt qui δύο δραχμάς duas drachmas interpre-
tati sunt. vt Hero, Epiphanius & alii de qui-
bus nos supra. nam drachma octaua pars vnciæ,
duæ drachmæ, quarta: hinc δύο δραχμάς hoc est
duæ drachmæ quadrantem vnciæ argenteæ
constituunt. atque hic est κοδράντης Marci se-
cundum illos interpretes. Altera expositio est
quæ κοδράντιu quartam partē æris vnciæ statuit.
Huius expositionis auctor Hesychius, & quos
ille sequutus est. Hi κοδράντιu de asse Romano
accipiunt, qui quartam partē vnciæ pendebat, &
sic quadrans siue κοδράντης vnciæ fuit. Verba He-
sychii, quæ multi tentarunt, nemo adhuc te-
nuit: Κοδράντης τὸ πᾶν ἢ τὸ τέταρτον τῆς φόλλιος, ἢ λι-
πὸν, τὸ ἴδιον ἢ ἀκριβὲς τὸν τετράντη. Hæ tres in-
terpretationes quadrantis, assem Romanum om-
nino designant, qui æris vnciæ quadratē pen-
debat, vel duarum drachmarum, quod idem est,
pondus habebat. illud τὸ πᾶν respicit τὸν ἑκατον-
δράντιu Matthæi, nam qui soluit vsque ad vlti-
mū quadrantem τὸ πᾶν soluit. id ad significatio-
nem assis etiam referendum, nam assis etiam τὸ
πᾶν, τὸ ἰδίον, ex asse, ex solido, & ad assem
soluere dicitur, qui totum soluit, & licet as non
fuerit minima moneta Romanorum, pro mini-
mi tamen & infimi pretij nummo plerumque
ponitur. Catullus:

Omnes vnus æstimamus assis.

Perfius, *Centum Grecos centusse licetur.*

Id est Græculos singulos vnus assis æstimat. se-
quitur, τὸ τέταρτον τῆς φόλλιος: assem manifestō in-
telligit. follis æreus ante Constantinum diceba-
tur de sestertio æris. Follium æris mentio in Hi-

storia Augusta, qui iidem sunt cū sestertiis æreis.
 sestertius porro æreus vncialis fuit, & quatuor as-
 sibus valebat, hinc & τετράστροι vocabatur, &
 vnciam pendebat, vt est apud Cleopatram: κε-
 λῆται ὅ' ἡ ὀνυμία τετραστροί ἰταλικοί. Hero siue A-
 fricanus in fragmento: ἡ τοῦ μῶς ὀνυμία ἐστὶ τῶ
 σταθμῶν nummum & sestertium idem esse sciunt
 omnes. vt Hesychius κοδράντιον quartam partem
 follis esse dicit, sic Suidas in Etymologico τὸ
 ἀσάειον quartam partem esse follis scribit: ἀσά-
 ειοι τῆ χαλκῆ φύλλου πέντε, ἀσάειοι δὲ χρυσοῦ λεπτῆς
 ἑκατὶ ἄσσην Romanum sub primis & mediis im-
 peratoribus quartam vnciæ appendisse notius
 est quam vt pluribus probari debeat. si τετράστρο-
 υ' vncia vocabatur, ἀσάειοι utique quarta
 pars, siue quadrans vnciæ. Hinc & κοδράντης
 pro asse, ἄσσην τετάρτιον vocat Hero in fragmen-
 to: ἄγχι τοῦ τὸ χερουῶν πέλασσι Ἀθηναῖς δραχμὰς δύο
 χάμματα γ'. τετάρτας δηλαδὴ β'. perperam vulgo
 legitur, δ'. Talentum aurī Homericum idem
 tradit fuisse cum Darico qui duas drachmas
 pendebat, scriptula sex, & duas quartas, hoc est
 duos quadrantes vel duos asses. nam assis Ro-
 manus duarum drachmarum Atticarum pon-
 dus habuit. idem pondus fuit & aureorum Ro-
 manorum ante Constantinum, cum quaterni
 in vnciam cudebantur. Hinc & solidi aurei
 hoc est asses aurei dicti sunt. nam solidus & as-
 sis idem. de quo nos alibi. sequitur apud Hesychium
 in expositione κοδράντης ἢ λεπτοί, τὸ δὲ
 λεπτοί ἑξακισχίλιοι τάλαντες. & κοδράντιον λεπτοί ex-
 ponit ille Grammaticus. τὸ λεπτοί est assis. ita
 omnes interpretantur. Epiphanius: ἑξακισχίλια λε-
 πτὰ

πρὸ τῆς ταλάτης, ἢ λεπτὰ καλεῖται ἀσάριον. auctor
 incertus περὶ σταθμῶν ἐβραίων. Διωδόριος ὡς ἐξήκοο-
 τα ἀσάρια ἢ ἡ λεπτὰ λέγεται. Sanctus Maximus
 περὶ πμῆς τοῦ πεντακοντα ἀργυρίου. λεπτὰ καλεῖται τὰ
 ἀσάρια ἡγοῦν πέντε νομίσματα. ἐξήκοοντα δὲ ἀσάρια ὑπὲρχει
 τότε τὸ διωδόριος, ἔχοντα δὲ διωδόριος ἢ ἀργυροῦς. Vetus
 & optimum fragmentum ἀνέκδοτον, de Ponderi-
 bus : λεπτὸν ὅσα σταθμοὶ ὑλίας τὸ τέταρτον, περὶ δὲ
 κύριος λέγει, ὅτι δύο τετρακοντα ἀσάρια καλεῖται. ἀσάρ
 δὲ ἐβραϊστὶ ἡλατταμόντι καλεῖται. sic λεπτὸν idē cū asse,
 nam λεπτὸν quarta pars vnciæ, vt assis. ita λεπτὸν,
 & κοδράντης & ἀσάρια res eadem. idem Hesy-
 chius clarè alibi : ἀσάρια ἢ λεπτὸν ἐν τοῖς ἡγοῦν ἐξα-
 κχιλιοσὶν τεταλῶν, ὅ ὅτι ἐν ἡμῶν νομίσματι τὰ δὲ δύο λεπτὰ
 κοδράντης εἰς, ἡγοῦν νομίσματα τρία nihil apertius di-
 ci potuit. as & λεπτὸν idē & vnum sunt. sex
 millesima nempe pars talenti. idest nummus
 vnus cum semisse. duo verò λεπτὰ quadran-
 tem vnum efficiunt, idest tres nummulos. prius-
 quam longius abeamus, heic difficultas ape-
 rienda est quæ lectorem morari posset. tradit
 Hesychius in voce κοδράντης, ἢ κοδράντιον esse λε-
 πτόν, & λεπτὸν illud sex millesimam partem ta-
 lenti constituit. In voce ἀσάριον, quem locum
 proximè attulimus, scribit λεπτὸν, & ἀσάρια idē
 esse, & sexmillesimam partem talenti facere, &
 δύο λεπτὰ quadrantem vnum esse. si δύο λεπτὰ qua-
 drantem vnum efficiunt, quomodo λεπτὸν vnum
 idem erit cum quadrante? & hæc verba Marci
 sunt, δύο λεπτὰ vnum esse κοδράντιον. quid fiet igitur,
 vt vnum λεπτὸν, vnus sit κοδράντης? Nihil ta-
 men euidentius est ac certius, quam κοδράντιον
 & λεπτὸν & ἀσάρια pro eodem poni, & exponi

apud Hefychium. Præterea, qui ἑχατὸς κοδράντης apud Matthæum, in eadem Historia ἑχατὸς λεπτοῖς dicitur apud Lucam. ita ut & κοδράντης & λεπτοῖς idem esse videatur. at Marcus repugnat, qui δύο λεπτά τῷ κοδράντι assignat. constat tamen omnibus illis testimoniis quæ suprà collegimus, λεπτοῖς & ἀσφίρις idem esse, atque idem pondus habere, quartam nimirum vnciæ partem pendere, ac proinde *quadrantem* vnciæ dici posse, atque ita etiam dictum fuisse. Certè minimè dubium est, quin assem Romanū Græci λεπτοῖς vocauerint, quin κοδράντι multi ex illis pro asse apud Marcum acceperint, quod quadrans esset vnciæ. ita exponere Hefychium indubitatissimum est. assis igitur & λεπτοῖς & κοδράντης dicitur, qui diuiditur in alia δύο λεπτά, qui sunt semisses. Nam as Romanus in duo semisses diuidebatur, quos semisses δύο λεπτά vocare videtur Marcus. si assem λεπτοῖς vocarunt, multo magis semisses λεπτά vocanda. qui semisses in alia duo λεπτότατα diuisi, in quadrantes nimirum. Nam ut assis duo semisses habebat, sic semis duo quadrantes, de quibus quadrantibus apud Marcum ideo interpretari τὸ κοδράντι non possumus, nec veteres interpretati sunt quod *quadrans* ille qui quarta pars assis & dimidia semissis, minutissimus omnium fuerit nummus, cum Marci κοδράντης in minores nummos etiam diuisus sit. κοδράντι igitur de quadrante vnciæ ibi acceperunt, hoc est de asse, qui duos habet semisses, hoc est δύο λεπτά. Ergo vidua illa duos semisses in gazophylacium miserit, quæ δύο λεπτά vocat Marcus, & quadrantē esse dicit, hoc est,

assem siue quartam vnciæ partem. Sic λεπτός tam de asse quam de semisse. Atque vtrumque λεπτός exponit Hesychius. Quum κοδράντι, hoc est quadrantem vnciæ, siue assem, τὸ λεπτός exponit, vt de quo genere λεπτόν intelligendum sit explicet, addit, λεπτός illud esse, quod est ἑξακιχίλις τὸν ταλάντον, talentum illud centum viginti quinque libras habere, qua ratione assens Romanum, qui quartam vnciæ partem pensabat, planè designauit. Nam, vt docuimus in Confutatione, cum asses eiusmodi octoni & quadrageni in libram incurrerent, in centum viginti quinque libris sex millia talium assium reperirentur. Sic assis siue τὸ λεπτός huius ponderis sex millesima pars erat talenti. Nihil certius. ita κοδράντης Hesychio, & ἀσδρήν & λεπτός, quod est ἑξακιχίλις τὸν talenti, genus idem nūmi. Addit Hesychius: τὸ δὲ λεπτός ἑξακιχίλις τὸν ταλάντον, ὃ ἔστι νόμισμα εἰς ἢ κόκκοι τρεῖς. Hæc verba, ὃ ἔστι νόμισμα εἰς ad talentum refert, & de aureo solido accipis, vt talentum & aureus solidus in hoc loco sit idem, quod absurdissimum, & falsissimum, iam satis à nobis confutatum est. Illud νόμισμα εἰς ad λεπτός referri debet. Nā sequitur statim explicatio talenti: τὸ δὲ πέντασι λίτρας ἑκατὸν ἑκοσι πέντε. Sed quod hæc Hesychius τὸ λεπτός νόμισμα εἰς esse dicit, non ipse secum conuenit, nec id congruit expositioni τὸν λεπτόν, quod idem cum quadrante, cum asse, cum sextamillesima talenti parte hæc apud eundem esse dicitur. etenim illud λεπτός quod est κοδράντης, non vnὸ νόμισμα, sed πέντε νομίσματα habere docet. ὃ κοδράντης, inquit, νόμισμα πέντε. & in voce ἀσδρήν.

ειοι, pro νομισματα, νομμία posuit. τὰ δ' δύο λεπτά, τετραδράτης ἔς. ἤγουν νομμία τετρά. quare minimè dubium est, quin verba Hesychij corrupta sint. De duobus, quod minimè Scaliger aduertit, λεπτοῖς generibus heic loquitur. τ' λεπτοῖς maius est κοδράτης, & ἀσάριοι, quod & τετρά habet νομμία siue νομισματα. κοδράτης ille siue λεπτοῖς maius subdividitur in δύο λεπτά, nā δύο λεπτά τετραδράτης ἔς. Huiusmodi igitur minuti, qui semisses sunt τῷ κοδράτι, habent unum νομμίον, cum dimidio. nam κοδράτης integer, τετρά νομμία habet. de his λεπτοῖς heic intelligit Hesychius, cuius ita verba legenda sunt: ὅτι δ' ἐν λεπτοῖς νομισματὶ ἐν ἡμῖν, ἢ ποικίλοι πρῶς. idem mendum apud eundem in voce ῥεσδράτι corrigendum est hoc modo: ὅτι δ' ἐν λεπτοῖς νομισματὶ ἐν ἡμῖν, τὰ δ' δύο λεπτά τετραδράτης ἔς, ἤγουν νομμία τετρά. τετραδράτης, vt dixi, Hesychio est assis Romanus, quod vnciae sit quadrans eundem & λεπτοῖς, & ἀσάριοι vocat. assis Romanus, quem τετραδράτιον appellat, in duos semisses diuidebatur, quæ δύο λεπτά idem vocat: & tres trientes, quæ τετρά νομμία eidem dicuntur. sic τετραδράτης ἔς, hoc est unus assis Romanus, δύο λεπτά habebat, & τετρά νομμία, hoc est, duo semisses & tres trientes. Apud Romanos postquam assis ad vnciae quadrantem redactus est infra assem haud temere nummus æreus cusus est, præter semisses, trientes, quadrantes: qui quadrantes minimi ἐν λεπτοῖς τε fuere nummorum æris. de quibus heic apud Hesychium nulla mentio sed de semissibus & trientibus tantum. Trientis meminit Iuuenalis;

— Nunc accipit ore trientem.

& obolum intelligit qui mortuis in os indebatur ad naulum soluendum portitori inferorum, sed hæc nos alibi. Addit Hesychius, ἡ κόκοι τρεῖς. obolum intelligit qui tres siliquas habebat, & λεπλός etiam dicebatur. Nam hæc vox λεπλός omnibus minutis tam argenti, quam æris nummulis convenit. hinc & κεράπει λεπλός esse dicit Priscianus. κόκοι autem sunt ξυλόκοχα, siue κεράπα. Myrsellus de Ponderibus : ἡ χράμματα ἔχει κέραια τ' ἢ τοι ξυλόκοχα. ὁ ὀβολὸς ἔχει κέραια τετρία. λεπλός porro eiusmodi quod erat semis quadrantis vel assis, ὀβολός vocatur Epiphanio, qui octauam vnciæ partem efficiebat : ὀβολός, inquit, ἡ αὐτὴ ἐστὶ ἀργυρεὺς ἐν τετάρτῳ, μέτρησι δ' ἔχει ἡ ὕβρις ὀγδοοὶ ἡ ἑξήκας, ἐκ δ' ἐξ ἀργύρου πειποικρόος, ἀλλ' ἀπὸ σιδήρου. in alio fragmento : ὀβολός ἐκ δ' ἐξ ἀργύρου, ἀλλ' ἀπὸ σιδήρου πειποικρόος ἔχει χράμματα τετρία. Hero : ὀβολός τῷ ὀγδοοὶ ὅτι τῆς ἑξήκας, ἀπὸ σιδήρου πειποικρόος. huiusmodi ærei aboli, quos octauam vnciæ partem habere dicunt, semisses planè sunt antiquorum assium, & λεπλά illa quæ bina quadrantem reddūt, hoc est assem, qui quartam vnciæ partem pendebat. Atque hîc erat χναδράτης Marci secundum quosdam qui δύο λεπλά habet, hoc est duos semisses vel duas octauas vnciæ æreæ. Syrus interpres *schemona* vertit illa λεπλά apud Marcum : quæ vox octauam partem significat. sed tam de drachma argentea, quæ & ipsa octaua pars est vnciæ, quā de semisse vel minuto æreo potest accipi. Itaque hæc expositio Syri interpretis ambiguum illud non soluit, utrum de argenteis an de æreis minutis τὰ λεπλά Marci intelligenda sunt. Vtraque interpretatio suos hæ-

bet auctores ex antiquitate. omnes certè in eo conueniunt *κοδράντης* esse quadrantem vnciæ, non minimum ac minutissimum nummum Romanum, qui quadrans vocabatur. Vetus auctor de triginta argenteis quæ Iudas accepit; *κοδράντης ὅτι τὸ πέντα ἔτ' τῆς ὀγκίας. τὰ πεντάκοιτα ἀργύρια γίνονται ἑκατόμματα πεντάκοια. τὸ γὰρ ἑκατόν ἐστι ἑκατόμματα διὰ ἑλίων δ' ὀγκίας β.* quod enim scirent infra quadrantem nummulum, nullum dari pecuniæ genus quod esset inferius, Marci autem *κοδράντης* viderent in duos diuidi minutos, *κοδράντης* illum de quarta parte vnciæ acceperunt, sed hæc diuidia exorta est, quod alii de quadrante vnciæ argenteæ, alii de æreæ exposuerunt. alii de minutis argenteis, alij de æreis. vtra sit interpretatio verior, nos in nostro de re Nummaria pluribus discutiemus. quod enim hanc rationem solam habes quare de drachmis accipi minime probes, quia non pœnitenda largitio videatur pro paupere vidua duæ drachmæ, ea quidem multum friuola est & nugatoria. Non attendisti verbis Domini qui duas illas drachmas *ὅλεν ἔβιδεν* illius viduæ, *πέντα ἐστί ἐστι* fuisse dicit. at duæ drachmæ non magnus census, nec magnæ diuitiæ, etiam in mendico, quū nihil aliud habet. Non propterea tamen hanc interpretationem alteri prætulerim, nec vnquā eam sic defendi, vt meam videri vellam, sed simpliciter vt ab antiquis assertam proposui, & rationem, qua cum conuellebas, quod inepta mihi videretur, impugnauit.

Originationes & ἀκαθολογίας illas, vt vocas, quas ex omnibus Salmasij scriptis huc collectas

coaceruasti, si singulas suis locis redderes, quibus & conueniunt, nihil absurdi haberent, nec frigidæ viderentur. cæ sic à te huc temerè coniectæ, & alieno loco obiectæ ad hoc saltem pertinent, vt stultitiam tuam traducant. quid porro te stultius, aut vanius cum auctorum contrarietates, quos diuersa super eadem te sentire ostendi, quasi meæ sint mihi affingis & imputas? Hinc quadruplex illa *εἰς τετραπλοῦν* in hoc capite proscripta, quæ quadruplex tua est infania & vecordia. Videamus & excutiamus præcipua capita illarum *εἰς τετραπλοῦν* quas ipse tibi finxisti, vt mihi affingeres. Primum istud est & præcipuum, ex quo cætera manarunt: *Mulieris illius viduæ λεπτὰ drachmæ sunt siue denarij, eadem drachmæ non sunt siue denarij Romani.* sic à te hæc *εἰς τετραπλοῦν* proposita est: an mea sit exploremus. tuam imposturam esse vereor vt reperiamus. Dixi *τὸ δὲ λεπτὰ* apud Marcum pro drachmis argenteis ab Epiphanio, ab Herone, & ab aliis quibusdam fuisse interpretata, an non hoc verum est? hoc certissimum comprobatum est. quid huic expositioni à me contrarium postea dictum est, immo quid dici potuit? nec enim vt meam, sed vt veterem hanc interpretationem posui. Docui videri in eadem sententia fuisse Hesychium cum *ἡ λεπτὴ* sex millesimam partem talenti esse scribit. Nam si de Attico talenta apud Hesychiū intelligamus, sex millia drachmarum habebat Atticum talentum. Talentum vulgo *ἑξακχιλίον* vocabatur. Anonymus de Pōderibus: *τὸ δὲ τάλαντον λίγιστον ἑξακχιλίον* quod verbum ita expressum in veteri libro reperi, &c.

alias talentum Atticum notabatur ἔ littera per medium lineam traiectā habente ut apud Africanum in capite de Ponderibus notatum inueni: τὸ αὐτὸ πάλαι σηματοῦσι τῷ ἔ' τοιχείῳ ὅθεν μάλιστα ἡ αὐτὴ ἔ' χειρὶ ἔ', quæ nota sexaginta numerum significat. Nam talentum Atticum sexaginta minarum, sex millia drachmarum continebat. Hinc ἑξακχιλία & ἑξακχιλίαις τὰ πῶρα Talenta vulgo fuisse apud Atticos appellata Didymus in Odyssæa obseruat. si de hoc Talento Attico, & ἑξακχιλίῳ Hefychium interpretamur, quis dubitet quin λεπτοὶ quod ab eodē Talenti ἑξακχιλίῳ numeratur, pro drachma sit exponendum ut λεπτοὶ apud Marcum? Sed postea animaduerti Hefychium non de Talento Attico loqui, verum de Alexandrino, cui centum & viginti quinque libras tribuit, hoc est minas centum & viginti, cum Atticum dimidio minus esset. λεπτοὶ itaque quod huiusmodi Talenti ἑξακχιλίῳ erat non de drachma Attica accipiendū esse docui, sed aut de drachma Alexandrina quæ duplex ad Atticam fuit, aut de asse Romano quod pōdus habuit duatum drachmarum Atticarum, aut drachmæ Alexandrinæ. Ita accipiendo, tam insanus esse non potui ut dicerem λεπτοὶ Hefychij idem esse cum λεπτῷ Marci Euangelistæ. Nec sanè id vsquam à me traditum vel in somniis cogitatum, ut impurus persuadere vult Cercoetius. Sequitur secunda ἐπαιτιλογία: *Ἡς λεπτὰ quatuor vel quinque solidos valebant, immo quadruplo amplius, id quidem tu dicis Cercoeti, sed falsissimum. non subtilius à me disputatum est quot λεπτὰ singula solidis nostratibus valerent,*

sed dixi duo minuta siue duas drachmas non ingentes esse diuitias, nec valdè largam largitionem. finge non quinque solidis nostratibus drachmam valuisse, sed duplo, immo triplo amplius, an viginti solidi nostrę monetę pro magnis diuitiis computandę sunt cum totus hominis census, tota substantia *ἐλας ἐβίης* viginti solidis constat? Nec in mendico enormis hic census. Supputationem Budęi omittamus, hac simpliciore vtamur. Solidus aureus veterum, qualis cudebatur sub primis Imperatoribus, duplo maior fuit quam noster. is viginti quinque drachmis Atticis æstimabatur. secundum hanc proportionem noster duodecim plus minus drachmis æstimādus veniret. sic singulę drachmę non plus quinque solidis nostratibus valerent. binę drachmę, decem solidis: an ingentes & non pœnitendę tibi diuitię sunt, nostrę monetę decem solidi? Sane drachmam idem ferme pondus habere nec plus valere quam Regalem vnum quinque nostratibus solidis valentem notauerunt rei nummarię periti. quę hęc repugnantia aut contradictio, Cercoeti? videamus tertiam: *λεπία* ista viduę in talento sexies mille fuerunt, non sexies millena sed duodecies fuerunt. Dixi *λεπία* illa viduę quę Heroni & Epiphanio drachmę sunt, sexies mille in Talento Attico fuisse. quid verius? an hoc negabis? dixi huiusmodi *λεπία* siue drachmas non sexies millenas sed duodecies in Talento Alexandrino numeratas esse. numquid hoc falsum est, ô cucurbita? imo quid certius? quid igitur hęc cōtrarium docui? an potes ostendere docuisse

me idem genus Talenti & sexies mille & duodecies mille eiusdem generis drachmas habuisse? contundam te ô ferrea frons, licet adamante durior sis. Iam quartum, & vltimum ἐναπίωμα dispiciamus: λεπίς idem Hefychius νόμισμα ἐῖ esse dicit: non dicit esse νόμισμα ἐῖ, sed δύο λεπιά, νόμισμα τεῖα. Concedamus heïc tibi, vt te placidiore tandem vtamur, ἐναπίωμα inesse, non meum fuerit, sed Hefychij. an non apertè hoc in eius verbis legitur. Hefychius in voce ποδράτης vbi λεπίς dicit esse νόμισμα ἐῖ & paulo post tamen idem ponit δύο λεπιά esse νομίσματα τεῖα. Hoc meū tantum est quod illud νόμισμα ἐῖ, non ad τεῖα ἐῖ, vt ineptè & insulsè referebas, sed ad λεπίς docui esse referèdum. quid audes nunc mutire contrà? Tu Talentum ex illo Hefychij loco idem esse cum solido aureo falso tibi persuaseras. quem immanem errorem si non exemi tibi, multis sanè confudi & confutauì. de Hefychio vt tibi respondeam, & de illa contrarietate quæ verbis eius inesse videtur, cum variè λεπίς sint significationes, & hoc vocabulum varijs minorum nummorum generibus tam æreæ quam argenteæ formæ conueniat, quid mirum si & λεπίς νόμισμα ἐῖ esse dixit & λεπιά δύο τεῖα νομίσματα; sed aliter nunc illi loco à nobis consultum est, nam certum legi debere: νόμισμα ἐῖ ἡμῶν. si λεπίς est νόμισμα ἐῖ ἡμῶν, certè δύο λεπιά rectè & ex vero dicentur esse τεῖα νομίσματα. Dicis cupere te audire quid respondeam. iam respondi, sed nondum satis tibi feci. Maltigophore Cercoeti, cum lorarijs meis nunc tibi experiendum est tune an illi validiora lora, aut valentiora brachia

habeatis. Hæc pulchra futura est *ἐκαστολόγια* quæ
mea sine parte pericli vos inuicem dissoluetis.

*Minutum, & assem, & quadrantem, quartas
esse partes uncia. ineptia & inscitia
Petauij. locus Hesychij
rectè expositus.*

DE Epiphaniij loco, quin rectè sit
à nobis expositus, tu qui omnia
vera negas, iam non potes nega-
re. De Hesychiano in voce *κοδράτης*, ut nihil amplius dubium
aut obscurum tibi esse possit, superiori capite
præstitimus. *τὸ λεπὸν τέταρτον* esse *τὴν ὀκτώτην* & *ἀσά-
ρειν* similiter *τέταρτον* & *τὴν ὀκτώτην* *κοδράτην* quoque *τὸ
τέταρτον* & *τὴν ὀκτώτην*, certis auctoribus probauimus.
Eusebius in Eclogæ *ὅτι τὰ μὲν σίκλοι ὀκτώτην* & *τὸ
τέταρτον* *ἀσάρειν* & *ὀκτώτην* & *τέταρτον* *κοδράτης* & *ὀκτώτην*
σίκλον. Sic & *ἀσάρειν*, & *λεπὸν* & *κοδράτης* He-
sychio idem. *τέταρτον* & *φώμιον* apud eundem ex-
ponitur. vbi *φώμιον* est sesterlius æreus vncialis.
Si *κοδράτης*, inquis, Marci duo *λεπὰ* continet,
qui tandem *λεπὸν* erit? iam tibi diximus, &
κοδράτην esse *λεπὸν* vel assem, & illud *λεπὸν* in
alia duo minora *λεπὰ* diuidi, qui sunt semisses.
de vtrisque *λεπτοῖς* Hesychius. de maioribus, cū
ἀσάρειν & *κοδράτην*, & *λεπὸν* eadem facit: de
minoribus cum *λεπτοῖς* *νέμισμα* ἡμῶν habere do-
cet, nam *κοδράτης* qui *δύο* *λεπὰ* habet; habet
etiam *τρία* *νέμισμα*. sic singula ex illorum *λεπτοῖς*, ha-
bet *νέμισμα* ἢ καὶ ἡμῶν. In Epiphaniij loco corrup-

tissimo, *ἐξ λιπλὰ ταλάειν*, noli tibi blandiri, aut lectori imponere. nec enim eo nomine à me reprehensus es, quod aut ignorantiam in eo tuam confessus fueris, aut quod minime eum emendare potueris. Non sum tam ignarus moduli tui, ut à te exigere velim locorum prodigiosè corruptorum emendationes. scio quid valeant tuæ vires, quid ferre recusent. Cum *κατέπαισι τομχὰς θυσίας*, pro *κατέπαισι ὁμχὰς θυσίας*, quod erat facillimum, corrigere nescieris, quam stultus esset qui hoc de te desireraret, ut locos deploratos restituas? quid igitur? quid in te reprehendi? prudentiam in te requisiui maiorem ut ab his vertendis abstineres, quæ minimè à te intelligi, etiam ipsemet intelligebas. quorsum enim attinebat verba Græcè nihil significantia, Latinis verbis æquè nihil significantibus reddere? sed noluisti videri quicquam in Epiphania esse quod Latinè vertere non posses. Hunc Epiphania locum feliciter à nobis restitutum confiteri non audes, sed conatum tantum vocas. Verum hoc non est tui iudicij, aut arbitrij. alij æstimatores erunt.

*Locus Epiphaniij de Folle explicatus. In
eo explicando Petanij inscitia
& ἀλογία.*



Cce alius corruptus Epiphaniij
locus, & in eo exponendo vanus
& irritus Cercoetij labos. sed ve-
ritatem sibi exprobarri non pati-
tur. calces vndique iactat & fu-

rit, cum acri vero exstimulatur. Haud sanè
miror, *πικρὸν τὸ ἀληθές*. Insanias licet, & de resti
etiam cogites, iterum tamen heic à me verum
audies. si quis in magno aliquo libro tot pec-
cata commisisset, quot in vno hoc Epiphaniij
loco explicando te peccasse deprehendi, indi-
gnus esset qui libros vnquam videret, aut litte-
ras tractaret: verba Epiphaniij: *φύλλος ὃ ἐν ταλάν-
τοις κελεύεται, διπλευρὸν ὅτι ἔστιν. ὑπὸ δύο ἀργύροις συγχείμεται,
οἱ μάλιστα σὺν δυνάμει. ἢ φύλλος δύο λεπτὸν καὶ δυνάμεισμός,
ἀντὶ καὶ καὶ ἀργύρευσμός.* quod apud Epiphanium
præcesserit, *τὸ ὅτι ἀργύροι τῶν ἑστὶν ἐν Ρωμαίοις μυριά-
σιν κελεύεται*, ideo de huiusmodi argenteis milia-
rensis hunc follem putas intelligendū. quod
est absurdissimum ac te dignum. illi argentei
miliarenses, nihil habent cum istis commune
qui follem constituunt, nec quod de illis præ-
cesserit apud Epiphanium, ideo consequens est,
in sequentibus idem nummi genus intelligi.
Nam sub diversis titulis hæc concipiuntur in
veteribus libris, ac in versione antiqua, hoc mo-
do: DE ARGENTEIS. DE NUMMIS. DE

MILIARENSIBVS. & postea, DE FOLLIS.
 ταλαπῆς heic pro βαλλαπῆς retines imperitissima,
 cum βαλλαπῆς sit lectio meliorum Codicum, &
 vetus eam agnoscat versio: Follis. & ballantion
 id est sacculus, à duplicatione nominatur. Multis
 præterea testimoniis eam confirmauimus in
 Confutatione. ταλαπῆς vox Græca non est, pro
 paruo talento, nec vnquam ταλαπῆς lectum est.
 huiusmodi ὑποκοριστικὰ ex neutris non fiunt, vt
 iam docuimus & paulò pòst docebimus. Præ-
 terea maiores minoresve nummorum species
 nunquam per ὑποκοριστικὰ distinguuntur, sed per
 adiectiua ποσότης. exempli gratia, vt minores
 drachmæ à maioribus distinguantur, non
 δραχμίς, aut δραχμίδις de parua, δραχμή de ma-
 gna dicitur, sed περὶ δραχμὴ, & λεπτὴ δραχμὴ di-
 citur. sic μίνα δραχμίων de mina, λεπτὴ δραχμὴ de
 drachma. ita & in alijs obseruare est. Postremo
 nomina ponderum nusquam apud Græcos, nec
 apud Latinos ὑποκοριστικῶς enuntiantur. Nam
 si vel in re vel in significatione diminutionem
 paterentur, desinerent id esse quod sunt. ideo li-
 bellam pro libra nemo dixit vnquam. Nam
 libella aliud est quam libra. Nec Græci λιπείν,
 aut λιπρόειν pro λίτρα dixerunt. nec μιδίοι aut
 μιδρίοι pro mina. ita nec ταλαπῆς pro τάλαντο. &
 Græcè imperitissimum oporteat esse, vt est Pe-
 tauius qui ταλαπῆς pro Talento paruo possit ac-
 cipere. Ad hæc quis follem Talentum esse, aut
 ita dici ex veteribus vnquam notauit? ideo
 ταλαπῆς heic te retinere asseris, quod persuasum
 habeas follem heic pro singulari nummo acci-
 pi. Primum id falsissimum est, quod paulò pòst

docebitur. Deinde etiam si verum esset, non propterea tamē necesse esset legere *ταλαπῆρ* pro *βαλλαπῆρ*. Nam vox *βαλλαπῆρ* huic significationi folliis quum de singulari nummo accipitur, neutiquam repugnat. *βαλλαπῆρ* enim apud Græcos, nec pro coaceruatione nummorum, nec pro singulari nummo vsurpatur. Sed Græci qui de folle in re nummaria scribunt, id esse *βαλλαπῆρ* Græcè aut *θύλακος* annotant, non quod *θύλακος* Græci, aut *βαλλαπῆρ* in ea significatione ponant, qua *folles* apud Latinos sumitur, cum pro nummo accipitur, sed vt notionem huius vocabuli exprimerent, quæ sacculum nummorum significat. sic *folles* Isidorus, hoc est nūmulos æreos à sacculo dictos ait, siue folle quo reconduntur nummi. Græci etiam cum de *folle*, qui vel singularem nummum, vel nummariam quantitatem significat, agunt, non *βαλλαπῆρ*, aut *θύλακος*, sed *φῆμι* Latinam vocem vsurpant. Quod *φῆμι* in hoc loco Epiphaniij pro singulari nummo interpretari tibi placet, ideo *ταλαπῆρ* retines? atqui *τάλαρ* de singulari nummo nūquam apud Græcos vsurpatur. Tu tamen pro pecuniola apud Rheginos sumptum fuisse, Festi auctoritate probare contendis: qua in re imperitiam tuam manifestò ostendis, & quidem extremam. plura Talenti genera Festus ibi enumerat, quædam inaximi valoris vt Alexandrinum: quædam minimi, vt Syracusanum & Rheginum. Si hæc talenta pecuniolæ fuere, quod minimum valerent, certè & Alexandrinum grandis pecunia fuerit oportet. quod absurdissimū. cur enim talentum Rheginum pecunia sit, non

fit Alexandrinum? Quod enim Festus Talentum Rheginum victoriati vnus facit, id non significat victoriatum apud Rheginos nummū fuisse, quod Talentum diceretur. Nam victoriatum nummus fuit Romanus non Rheginus, sed id voluit, apud Rheginos plures nummulos, vnus valore victoriati Talentum constituisse. Ergo ἀθρηισμα nummorum fuit etiam apud Rheginos Talentum, non singularis nummus. sic & Syracusanum. Tradit Aristoteles apud Pollucem Siculum Talentum olim quatuor, & viginti nummos valuisse postea duodecim, ita duodecim nummi apud Siculos Talentum constituebant, vt duo nūmi si forte, apud Rheginos. Nam nummi illi de quibus Aristoteles, sunt festerceij nūmi, vt nos alibi ex eodem Polluce confirmamus. Huiusmodi nummi in denario quaterni. sic nummi duodecim tres denarios faciunt. ita Festo cum Aristotele conuenit, qui trium denariū fuisse tradit Talentum Syracusanum. Iam agnoscere fortasse incipis, quam falsus animi fueris, cum Talentum pecuniolam esse, & ταλαρίη Græcè appellari existimasti. illud vero longè prodigiolosissimum quod verba ipsa Epiphanij tibi persuadere non potuerunt, follem hęc ἀθρηισμα esse non singularem nummum, scribit enim hunc follem τὸ δὲ ἀθρηισμὸς συνκρίσας. quæ ἀθρηισματος notio est, non pecuniæ singularis: quis enim de nummo singulari dixerit, eum componi, & coacervari ex pluribus nummis? Ceteras hallucinationes tuas & errores capite sequenti excutiemus, vt καὶ ποῦνα te sequamur.

Iterum

*Iterum perpensus Epiphaniij locus de Folle.
quid sit argenteus; quid denarius.*

Nunc sententiam nostram tecum perpendamus. Primum in Epiphaniij contextu nihil ex ingenio commutavi, vt confidenter alleris, sed omnia ex libris: Vidi plures manuscriptos Codices, qui sub nomine Epiphaniij tractatum illum de ponderibus, quod inter eius opera legitur, seorsim continebant. in sanioribus & vetustioribus hic locus de folle ita concipiebatur: *φóλλις ὁ καὶ βαλλαντίον καλεῖται ἔχει ἀργυροῦ δύο ἡμισυ, δλωάρια σι, λίτρας ιβ. Φόλλις καὶ ἡ δλωάρισμός, ἀλλ' ὃ καὶ ἀργυρισμός* in multis Lexicis ἀνελκόμεναι, & in etymologico Suidæ hæc eadem sicut posuimus scripta reperiuntur, ex Epiphanio vt apparet sumpta. Vetus autem versio eiusdem tractatus in antiquo libro ante annos sexcentos descripto sic habet: *Follis qui est ballantion, id est sacculus, à duplicatione nominatur, duo namque sunt ac semis argentei, qui faciunt minutos denarios duos.* Illud primum constat in Epiphanio legendum, *ὅτι δύο ἀργυροὶ καὶ ἡμισυ σιλικέμενοι.* quod vero veteris illius versionis auctor duo ac semis argenteos, facere minutos denarios duos ait, in vitiosos Codices videtur incidisse. & sanè incidi ipse in manuscriptum Codicem quemdam, in quo ita legabatur: *φóλλις ὁ καὶ βαλλαντίον καλεῖται, ὅτι διπλεται, δύο γὰρ εἰσὶν ἀργυροί, ὃ γίνεται σι δλωάρια λεπτοὶ δύο. φύλλος καὶ ἡ δλωάρισμός, ἀλλ' ὃ καὶ ἀργυρισμός.* quam scri-

pturam planè expressit interpret ille vetus. Sed verba illa ὃ γίνεται σι δλωδρία λεπτι δ'ο. Vitium cōtraxere ex istis : ὃ γίνεται σι δλωδρία, λ τ ι β, hoc est, λίτραι περιακόσαι δώδεκα. pro quibus perperam intelletis fecere imperiti librarii, λεπτι β. nihil verius. Quod vero errare me iactas, quod denarij illi qui centeni in minam imputantur, Hero ne meo teste λεπτι non dicantur: sed milliaren- ses eo nomine censcantur, id quidem ad rem non pertinet, sed plane ipse erras, nam Hero, & δλωδρία, quæ centena in minam incurrunt, & λεπτι eadem facit, vt satis suprà probauimus. Verum hoc nihil ad nostrum nunc negotium. Deinde perspicuum esse dicis, Epiphanium duplex follis genus constituere, cum ait διπλουῦ ὃ ὅτι, immo perspicuè verum est te falli, nam διπλουῦ vocat hoc vnum idemque genus follis quod duplicetur, & ex duplici argenteo cum semisse componatur. id ostendit alia huius loci scriptura quæ sic habet: Φέλλης ὃ ἔ βαλλαντίον, χα- λῆται ὅτι ἔ διπλῆται. quam lectionem & in suo li- bro videtur inuenisse veteris interpretationis auctor, qui sic reddit: *Follis qui & ballantion, id est sacculus, à duplicatione nominatur: duo namque sunt ac semis argentei.* Vides rationem huius duplicitatis siue duplicationis reddi, quod duo in eo sint argentei cum semisse. Græca pariter eadem ratione nituntur: Φέλλης ὃ ἔ βαλλαντίον ὅτι δι- πλῆται, δ'ο γὰρ εἰσὶν ἄργυροὶ ἔ ἡμισυ. ideo duplica- tur hic *follis* quod ex duplici argenteo constet. Verba Epiphani j sicut vulgata sunt, non aliud volunt: διπλουῦ ὃ ὅτι ὑπο δ'ο ἄργυροὶ σι γκεῖ μδοι. quod enim ex duobus argenteis compositum,

& coaceruatum sit, ideo duplex dici significat. quantum igitur hallucinatus es, qui de duobus follis generibus heic tractare Epiphanium, nec integrum eius locum esse, imbiberas! verba Epiphaniij de folle tam ex veteribus libris, quam ex veteri illa versione ita constitui debent, sicut iam ea constituenda docuimus in Confutatione: *φύλλισ ὁ καὶ βαλλαντοῖ. διὰ τοῦτο ὃ ὅστις ὑποδ' ἀρ-
γυροῖ συλκῶμασι, εἰ γίνονται οἱ δλωδρία. φύλλισ καὶ ὁ
δλωρισμὸς. ἀλλ' ὅ καὶ ἀργυρισμὸς.* & idem plane Fol-
lis est, quem Glossæ Nomicæ ita describunt: *φύλλισ λεγόμενος ὅτι καὶ βαλλαντοῖ, ἐλκεῖ ὃ δλωδρία κα-
κὸν πα πειθήκοιτα, τὸ πέντε λίτρας τιβ, καὶ ἑξίας ἐξ, ὡς
ἔχοις ἐκείνου δλωαρίου λίτρας μίαν, καὶ ἑξίας τρεῖς.*
Nihil verius aut manifestius quam vnum eum-
demque Follem ab utroque auctore describi.
Hoc satis & abundè confirmatum est in Con-
futatione, vbi fusè omnia explicauimus. Tu
quantum nugarum effuderis, & effutiris in
huius Epiphiani loci explicatione, qui
mihi non credent, hoc in Animaduersionibus
tuis videant. iam verò, vt anus ad armillum,
tu ad illam *τελχιώδη συκοφαντίαν* tuam redis qua
diuersas auctorum sententias super τῷ λεπτῷ
expositione à me positas, quasi meas mecum
pugnās mihi imputas, & quorundam etiam
hallucinationes à me obseruatas, meas facis,
quo quid improbius? τὰ λεπτὰ apud Marcum de
drachmis interpretatum esse cum Epiphanio
Heronem notauimus. τὰ λεπτὰ apud Hesychiū
asses Romanos esse, & sex millesimas talēti Ale-
xandrini partes etiam obseruauimus. at λεπτὰ il-
la Hesychij sic interpretata, eadem esse cum

tum vero denaria argyrius idest argenteus existerat. Tu qui omnia inuoluis, & tricus impedis, aliquid tandem si potis es nobis expedi, & has difficultates dissolue. surdo fabulam narramus. quere qui explicent, ipse nihil potest nisi implicare. Iam tibi ostendimus, ô stultiuide, si videre voluisses aut potuisses, hanc Epiphanii esse, & veterum quos sequutus es hallucinationem. Hic ἀσάκια denario sexaginta tribuit, & hæc ἀσάκια confundit, atque eiusdem ponderis facit cum veris ἀσδρηίς, cuiusmodi sedecim in denario numerabantur. Græci, vt diximus, omnem numulum æreum voce Latina ἀσάκιον nominarunt. nam & ὁβολὸν & χαλκὸν suum ita passim vocant. Verus ac vetus assis, quadrantē vnciæ habebat, ipse in quatuor quadrantes nummulos partiebatur. vt assis ipse qui quarta pars vnciæ, *quadrans* vocabatur, sic & quarta pars assis etiam *quadrans* dicta est, qui minimus æreorum fuit minorum. Tam assen igitur vnciæ quadrantem, quam numulum assis quadrantem, Græci & ἀσάκιον & κοδράντιον vocitarunt. Vt sedecim porro asses in denario, sic sexaginta quatuor assium quadrantes. Hi sunt quadrantes, quas sexagesimas denarii partes rotundo numero vocat Plinius, vt Græcæ monetæ responderent, quæ similiter sexaginta χαλκοίς in denario Græco, hoc est drachma computat. Hæc sunt etiam sexaginta ἀσάκια quæ denario tribuit Epiphanius, quæ perperam ab eo tam nomine quam pondere confunduntur cum veris assibus, quales senideni denario tribuebantur. Hic inter alios error Epiphanii, &c

recentiorum Græcorum qui eum sequuti sunt, & fortasse vetustiorum quos ille sequitur, qui omnes *εὐθιμασί* denario veteri Romano sexaginta *ἀσάει* tribuunt. quod de veris assibus accipi nequiquam potest. Nam certum est, & constat nunquam plures sed decim assibus in denario computatos fuisse, quamdiu denariorum & assium vsus apud Romanos viguit. Sexagesimæ igitur illæ denarii partes, quæ *ἀσάφια* nominantur ab his auctoribus, non sunt veri asses qui quadrantem vnciæ pendebant, sed assium quadrantes, qui Græcorum *χαλκοίς* respondent. At Græci recentiores & *χαλκοίς* & *ἀσάει* passim confundunt. iidem itaque huius nominis *ἀσάει* errore ducti idem pondus attribuunt sexagesimis denarij partibus quod sextis decimis, hoc est assium quadrantibus, quod integris assibus. Ex hac hallucinatione pendet, quod in Glossis Nomicis legitur, singulos denarios habere libram vnam & vncias tres. Asses denario secundum illorum supputationem sexaginta assignantur. huiusmodi asses eiusdem ponderis statuunt cum veris ac veteribus assibus Romanis, qui vnciæ quadrantem pensabant. Sexagenti igitur asses tales libram vnam faciunt, & vncias tres. sic in singulis denariis asses sexaginta, libra vna & vncias tres. quod inferius explicabitur, vbi arguis nos pretium nummorum cum pondere confundere. Hoc ego profecto mirarer, nisi scirem me longè grauiores istis Græcorum auctorum, in re veteri Nummaria exponenda Romano- rum exerrationes deprehendisse. cuius rei fi-

dem faciet παλαιάλο, αεικὴ quam propediem in lucem sumus edituri, cum iis quæ ad eam notamus. de cetero, ô Cercoeti, optimè iam noveram te optimum esse declamatorem: te voce, lateribus, canina facundia & impudentia plurimum valere. Quare nihil opus erat te hanc artē tuam hēc nobis ostentare. lorarii hēc mihi ad-sunt, qui non tam facundi sunt, sed disertius rem agent. Hoc agite lorarii.

De pondere denarii & miliarenfis. immanis error Petauij qui auri proportionem duplam tantum facit ad argentum.



Tupendum illud ac brutum delirium, quod hēc mihi obiicis, quem pro Salmasio semper habes, iam faxo fatearis ipse & dicant omnes, ex tuo stupore natum esse & plusquam bruta ignorantia. memini scribere in confutatione argenteum nummum, quem miliarensē media imperij vocavit ætas, denario antiquo paulo grauiorem fuisse, & pretii maioris. & quis de hac veritate stultè dubitare, nisi Cercoetius, aut eam improbè negare posset, nisi Petauius, qui idem cum Cercoetio est? miliarenfes in libra argenti sexaginta cudebantur: Denarii vero quatuor & octoginta. sic in vncia argenti quinque miliarenfes inibant, septem denarii. quis neget nunc miliarensē fuisse grauiorem antiquo denario? Iam mihi Cercoetius impu-

rat, quasi denarium illum quem septimam aut octauam vnciæ argenteæ partem pensasse certum est, quatuor vnciarum fecerim. ita probare nititur, ac me ex mea sententia conuincere longè maioris ponderis fuisse miliarensem quàm denarium. Nam miliarenis, inquit, siliquæ vnus & dodrantis pondus habebat, cum denarius iuxta meum calculum, quatuor vncias pendat. Egone tam brutus & stolidus, vt denarium quem vnciæ argenti partem septimam fuisse nemo nescit, quem & hoc pondere fuisse etiam scripsi, quatuor vnciarum pondus habuisse potuerim vel somnians cogitare? vbi hoc à me scriptum, Cercoeti, denarium argenteum, siue drachmam, quæ vnciæ argenti octauam pendebat, quatuor vnciarum argenti pondus habuisse? quatuor vncias æris habuisse denarium possit quis dicere, qui sedecim asses habebat, vel quod idem est quatuor sestertios æreos, hoc est quatuor vncias æris: nam singuli sestertij vnciam æris appendebant. & quis hoc verum inficietur? Iuxta hanc rationem & Glossarum Nomicarum locum exposui, qui singulis denarijs libram vnā & vncias tres attribuunt. De quibus denariis Glossæ illæ intellexerint non est dubitandum cum centum denarios τὸ ἀργεῖον idest minæ argenti imputent, quam ἀργουῖον appellant. quomodo igitur denarius argenti qui drachma erat, & octauam tantum vnciæ argenti partem pendebat, libram vnā & vncias tres habere potuit? Hæc verba Glossarum: ὡς ἐχούσι τὸ ἐκείνῳ δηνάριον λίβρην μιάν, καὶ ὑβρίας τρεῖς. sciri debet auctorem illum, vt & Heronem,

Epiphanium, & Maximum aliosque, sexaginta denario asses tribuere non sedecim, & illos asses eiusdem ponderis cum assibus illis facere quales senos denos habebat denarius. iuxta hanc sententiam denarius habuerit oportet libram unam æris cum tribus uncias, qui sexaginta asses habebat. nam sexaginta asses illius quod dixi ponderis libram unam & uncias tres appendisse certissimè constat. Dixi igitur denarium Romanum argenteum quatuor uncias æris habuisse, non dixi quatuor uncias argenti appendisse. & cum quatuor sestertios æreos habuerit denarius qui singuli unciam æris pendebant, an non verum est & quatuor uncias habuisse? ita & Græci denarium quem sexaginta assium volunt fuisse, libram unam æris, & uncias tres habuisse dicunt, quod sexaginta nimirum asses hoc pondus haberet. Auctores omnes qui de ponderibus & re monetaria scriptum aliquid reliquerunt, ita passim loquuntur: Denarius habet sexdecim asses, sestertios quatuor, ergo & totidem uncias æris: nam quatuor sestertij, quatuor sunt æris unciae. Iuxta hanc loquendi consuetudinem Eusebius Pamphilus in Ecloge *Ἐν τῷ καθάρῳ καὶ μέτρῳ*. Denarium Romanum facit unciarum quatuor, quia quatuor sestertijs valeret, qui singuli quatuor erant unciarum, verba eius hæc sunt: *πάλαι λίτρας ἔμειον λίτρας ἄ. λίτρα ὑλίας 16. δινάρῳι ὑλίας 8. ἡμῶν ὑλίας ἄ. τῆς ὑλίας τὸ ἡμῶν σίκλιν ὑλίας τὸ τέτταρον*. Vides denarium ab eo quatuor unciarum constitui ob eam rationem quam dixi, denarius quatuor unciarum, quia quatuor se-

stertiorum vncialium. per *νύμμοι* enim intelligit sestertium nummum qui æris vnciam in pondere habebat. Iulius Africanus: *τὸ δλωάριον καὶ Ρωμαῖοις ἔχει τρεῖς παῖχες δύν. νύμμοις δ'· ἀσδάρια ἴσ. ὁ δ' νύμμος ἔχει ἑξήκας τ' σταθμῶν.* Secundum hanc proportionem & rationem denarius sexaginta assium, erit libræ vnus, & trium vnciarum. Nec aliter ille Glossarum locus explicari possit, nisi ex hac loquendi ratione. In ære igitur quo permutabatur, non in argento quo formatus erat, quattuor vnciarum pondus habuit denarius. Nam in argento octauam tantum vnciæ, aut etiam septimam partem appendisse nemo ignorare possit, etiamsi Cercoetium imperitia superet. Huius rei ignorantia, Petauī, te in hanc amentiam præcipitauit, vt crederes, aut certè fingeres denarium argenteum pondere quattuor vnciarum argenti à me procusum esse. quo febriculoso commento nihil falsius, & stulta tua credulitate nihil insulsius, quam tamē seu ficta, seu vera est, tanti fecisti, vt in secundo tuo mastigophoro iterum eam inculcaris, & caput integrum vel improbitati, vel stultitiæ tuæ iterum super eadem re propalandæ dederis. Iam heic immanis alius tuus error tacendus non est. Tu miliarensem argenteum, cuius in Glossis Nomicis mentio, quique ibi siliquam vnā & siliquæ tres quadrantes habere dicitur, de pondere perperam interpretaris, cum de pretio & æstimatione debeat accipi. Glossæ: *ἔχει δ' ἑκατόν τρεῖς ὧν πρὸς λεπτοῦς ἀργυρίου, μιλιαριστοὶ καλνυμένοι, καὶ ἑκατόν ἐν ἡμῶν πέντε δρατρί.* Non siliquam vnā, & siliquæ dodrantem pendebant isti miliarenses,

vt imperitissimè scribis, sed siliqua vna, & do-
drante valebant: de siliquis quippe aureis ibi
intelligendum. miliarenſes illos vnus siliquæ
quadrante-leuiiores fuisse alteris miliarenſibus,
qui duas siliquas valebant, ex illo Glossarum
loco colligere est. at miliarenſes isti, non duas
siliquas pendebant, sed duabus siliquis æstima-
bantur, quæ siliquæ erant aureæ. iam docui-
mus, & verum est huiusmodi miliarenſes in li-
bram argenti sexagenos fuisse cufos, quare
grauiores drachmis antiquis fuerint necesse est,
Etenim drachmas in libram argenti xcvi. feriri
iustum erat. sic non plus quam quinque milia-
renſes in vncia argenti fuere, quum octo
drachmas eadem haberet. vnciam porro con-
stat centum quadraginta quatuor habere sili-
quas, octaua pars vnciæ, idest drachma, decem
& octo siliquas hac ratione pendebat. nam de-
cem & octo octies ducta summam suprascrip-
tam efficiunt. Miliarenſis igitur argenteus, qui
quinta tantum pars fuit vnciæ, nouem & vi-
ginti siliquas minimo minus habuerit oportet.
Tu duarum tantum pondus habuisse vis. ô mu-
le quid sentis? vin etiam absurditatem quæ in-
dè sequeretur, agnoscere, quo magis imperi-
tiam tuam condemnes? sequeretur tunc tem-
poris aurum duplum tantum ad argentum fuisse,
sc, quod quatuor decuplum fuisse constat. scis
aut scire debes duodenis miliarenſibus huius-
modi, qui duas siliquas habebant, vnde &
siliqua vocabantur, aureum solidum tunc æsti-
matum, Aureus solidus illo tempore sexta pars

vnciæ fuit, vnde & *sextula* Latinè, & ἑξάτης
 Græcè dicebatur. sic viginti quatuor siliquas
 pendebat solidus: nam hic numerus sexies du-
 ctus centum & quadrāginta quatuor efficit,
 quot siliquæ sunt in vncia. Igitur si miliarensis
 argenteus non plus quam duas siliquas pende-
 ret, cum satis constet solidum viginti quatuor
 siliquas habuisse, & duodenis miliarensibus,
 binarum siliquarum singulis, æstimatum, neces-
 sario consequens esset, auri ad argentum pro-
 portionem dupla maiorem tunc non fuisse. quo
 falsius quidquam, aut magis inauditum nulla
 vnquam fabula finxerit. Si more tuo insubidas
 buccas distendere vellem, & lituos inflare le-
 ues, quot & quantæ, & quam prodigiosæ ab-
 surditates ex hac vna nascantur, possem osten-
 dere, & in hoc fanatico errore castigando
 aliquod capita conficere; sed tuum sit, quid-
 quid meum non potest esse. expecto porro
 quid tertius tuus mastigophorus ad hæc dictu-
 rus sit. nam hic prior quin ματιζέειν quam
 ματιγροφειν dignior sit, nihil causæ potest al-
 legare,

*Quid sit Φόλις καὶ τὸν δλωαρισμὸν, & καὶ
τὸν ἀργευσμὸν explicatum. de folle
multa. inscisia Petauij.*



Vam feliciter Epiphaniani loci
vltus sanauerim, quam stulte id
neges, & infœliciter illud ipse
tractaueris iam superius osten-
sum est, & quæ nunc dicemus
magis ostendent. Ex eo loco
restant exponenda hæc verba, Φόλις καὶ ὁ δλωα-
ρισμὸς, ἀλλ' ὃ καὶ τὸ ἀργευσμὸς. Follem καὶ τὸν δλωαρι-
σμὸν interpretari tibi placet de duobus minutis
arcis qui *folleralem* constituunt. primum quis
te docuit duos minutos æreos *folleralem* consti-
tuere? follis illo tempore apud Græcos prout
nummus est singularis, minimus nummorum
fuit, inde & Φόλις apud calculones illorum tem-
porum, ἀπὸ τῆς μυριάδος. Græci: ὅτι τέμνουν οἱ ἀριθμητι-
κοὶ πᾶς μυριάδας, ὃ δὲ οἱ λογαριτικοὶ τὰς Φόλλας. centum
octoginta octo huiusmodi folles solidum con-
stituebant. hos folles Marcellinus comes in
Chronico vocat *foleralles*. perperâ, nam legen-
dum *folares*, hoc est πᾶς φύλλαρις. quos ita ὁ ἱστο-
ρικὸς enuntiauit, vt *teruncianos* pro *teruncijs*. Num-
mis, inquit, quos Romani *teruncianos*, Græci *folares*
vocant, Anastasius princeps, placabilem plebi com-
mutationem distraxit. Minimos eos nummos,
& ὃ τέμνεις, etiam facere videtur Marcellinus,
eum vocari à Romanis *teruncianos* scribit. nam
teruncius minima moneta apud Romanos.
quomodo igitur duo minuti follem siue fol-

larem constituent? Hæc tamen interpretatio tua non est, sed Scaligeri, quem diffimulato eius nomine, & heic & in Animaduersionibus ad Epiphanium improbè vsurpasti. Videndus eius posthumus de re nummaria liber. sed quamuis Scaligeri sit, haud minus tamen falsa est, & tu non minus fur, quam si quis æris calculatorij marsupium alicunde surripuisset, follem aureorum putans. Præterea hæc interpretatio mendosis Epiphanii verbis tota innititur, quæ sic perperam in vulgatis editionibus cōcipiuntur: *Φόλλες δύο λεπτοὶ καὶ δλωαρισμοί*, cum omnes scripti Codices rectè habeant: *Φόλλες καὶ τὸν δλωαρισμόν*. quod & confirmat vetus versio, quæ ita etiam legit: *Follis autem secundum denariorum pondus ac numerum, non secundum metalli meritum*. Dux illæ voces, *δύο λεπτοὶ*, in quibusdam etiam scriptis libris habentur, sed alio loco positæ, hoc nempe modo: *Φόλλες, ὃ καὶ βαμμασίαι καλεῖται ἐπὶ διαλυταί. δύο γὰρ αἱ σὶν ἀργυρεῖ ὃ γίνεται σὶ δλωάρια, λεπτοὶ δύο. Φόλλες καὶ τὸν δλωαρισμόν*. Sed vnde hæc duæ voces *λεπτοὶ δύο* ibi obrepserint, docuimus suprâ. λίτρας & λεπτόν eodem fermè modo Græci abbreviant: cum igitur scriptum esset, *λ τῖβ*, quæ vera est huius loci lectio, imperiti librarij fecerunt, *λεπτοὶ β'*. hoc indubitatè verum est. Postremo neutiquàm stare potest hæc expositio, vt *καὶ δλωαρισμοί*, de minutis & æreis denarijs accipiatur, ideo quod Græci qui de ponderibus scripsere, etiam recentiores, nusquam τὸ δλωαρίον de moneta ærea vsurpent, sed semper de antiquis argenteis denarijs hanc vocem sumere soleant. Epiphanius

ipse, in hac follis dinumeratione, qui ex denariis colligebatur, non pro minuto æreo, τὸ δινάριον posuisse, sed pro denario veteri argenteo clarè clamat. δύο ἀργυροὶ cum dimidio, ducentis quinquaginta denariis æstimat. ita singulis ἀργυροῖς centum denarios attribuit. τὴν ἑκατοῦσαν pro minis cum accipere certum est, sic & τὰ δινάρια pro denariis argenteis, vel drachmis, quæ centenæ minam, hoc est τὸ ἀργυροῦ explent. atque hic est φόμις, ex ducentis quinquaginta denariis constās, quem & τὸ δινάρεισμον vocat Epiphanius, quique diuersus erat ab eo folle, qui & τὸ ἀργυρῆσμον dicebatur, quod ex minutis argenteis miliarensibus dictis, componeretur. Hunc follem ἐξ ἀργυρίων λεπτῶν συναγόμενον Glossæ Nomicæ fusè describunt: non descripsit vero Epiphanius, sed follem & τὸ ἀργυρῆσμον tantum nominauit, vt ab eo distingueret, quem describit, qui & διναρῆσμον ideo dicitur esse, quod ex denariis colligeretur. Nunc vtriusque differentiam explicemus. Follis & τὸ διναρῆσμον, quod ex denariis coaceruarentur, ducentos quinquaginta continebat denarios, qui in asses æreos aut in æs resoluuntur. Nam ducentos illos quinquaginta denarios, libras æris duodecim ac trecentas cum sex vnciis habuisse tam Epiphanius quam Glossarum auctor tradunt. ita singuli denarii librā vnā & vncias tres habuerunt, in ære scilicet. Cum enim auctores illi sexaginta asses denario tribuant, hic numerus assium, librā vnā cum tribus vnciis complet. Alter φόμις, qui κατὰ τὸ ἀργυρῆσμον dicebatur, ex centum viginti

quinque minutis ἀργύριος componitur, & ad aurum redigitur. Glossæ enim Nomicae centum & viginti quinque illos argenteos, qui miliarenfes vocabantur, in auro nouem solidos & miliarensem vnum cum nouem follibus constituisse scribunt. Φίλλισ καὶ τὸ δλωαρισμὸν, ex ducentis quinquaginta denariis constans tres libras argenti duobus denariis minus continebat. Nam octoginta quatuor denarii in libra argenti Romana cudebantur. Φίλλισ καὶ τὸ ἀεργισμὸν, ex minutis argenteis coactus, libram tantum vnam argenti & deuncem complectebatur. Nam centum & nouem miliarenfes δικέαυτὶ qui follem illum explebant, libram vnam argenti, & deuncem efficiunt. Φίλλισ καὶ τὸ δλωδρισμὸν tempore Epiphaniij non amplius erat in vfu publico constitutus, vt nec ipsi denarij. Nam tunc pro denariis *argenteos* vocabant, & in vfu habebant, qui & dicebantur *miliarenfes*. inde est quod sub posterioribus imperatoribus *argenteos minutos* passim legere est pro denariis. Priscianus de ponderibus: *drachma, siue argenteus scrupuli tres*. Vetus auctor pro argenteo denarium dixisset. sed illorum temporum scriptores, quod omnem argenteum nummum, *argenteum* simpliciter vocarent, ita etiam drachmam, ac veterum denarium appellarunt. ita & Græci & ἀργύριοι pro drachma, & λεπτοὶ simpliciter, subaudientes ἀργύριοι acceperunt. idem Priscianus cum de denario loquitur: *denarij*, inquit, *illo tempore, argentei nummi erant viginti quatuor siliquarum*. quo satis ostendit denarios sua ætate, quales sub prioribus Imperatoribus extiterunt, non amplius

amplius vſitatos fuiſſe. Idcirco Epiphanius qui
veteres tantum monetas omnes perſequitur,
nullam ſui temporis attingit, hunc *φίλοι & τὸ
δωδεκάμυροι* ex veteribus denariis conſtantem, re-
cenſuit, illum vero *& τὸ τετραμυροῖ* ex minutis ar-
genteis conflatum non deſcripſit, quia notus
eſſet, vt illo tempore vſitatus. Aſſes, denarios,
ſtateres, ſiclos, & veterum genus omne nūmo-
rum, qui ſua ætate ab vſu iā publico reſceſſerant,
tantū recenſet. Milliarenſem quidem etiam nu-
merat & deſcribit, ſed non illum minutum ar-
genteum, qui illo tempore vigeſcit, verum aliū
iam antiquatum, & maiorem, qui & *δίχρυσοις*
vocabatur. Epiphaniꝝ verba de illo miliarenſi,
quia vulgo corruptiſſima ſunt, heic adſcribam,
vt legi debēt ac diſtingui: *Δίχρυσοι, ἢ ἐκάλουν οἱ πα-
λαιοὶ τὸ ἡμῶν τῷ ἀργυρῷ. τὸ δὲ ἀργυρῷ τῷ τ' ἔστιν ὃ οἱ
Ρωμαῖοι μιλιάρησιν καλῶσι, ὃ ἐμὴν λέγουσι τετραμυροῖς.
τὸ δὲ δίχρυσοι ἢ τῷ τ' ἀργυρῷ, ὡς ὅπερ κίβηλοι ἔτι εἰς
ἐκλήθην, ἀναγινώσκεις ἢ τῷ βασιλεὺς τ' ἐπὶ, ὃ τὸ ὄνομα ἐστὶ τῷ
δίχρυσος ἐκτετράκτο, τὸ νόμισμα αὐτῷ ἀποκαμύδουσι κίβη-
λοι ἐκλήθην, τῷ τε τ' ἀδούκωσι.* Hæc perperam apud
Epiphanium tribus diſtinctionibus diuiſa ſunt,
quæſi de tribus diuerſis nummorum generibus
loquatur, cum vnum tantum *δίχρυσοι* recen-
ſeat qui argentei vnus dimidiū valebat. Hanc
emendationem veteribus libris & antiquæ ver-
ſioni debemus, quæ ita habet: *bis aureum vero
antiqui vocabant argentei medietatem, id eſt δίχρυ-
σος. argentea vero ſunt, quæ miliarenſia vocant à
militibus quorum ſunt munera deriuando: nam cor-
rupto poſtea nomine miliarenſia dici cæpere, quæ
prius militarenſia vocabantur; dumque extinctus*

fuiſſet illius temporis Rex cuius ſolidus erat in hoc bi-
 ſaureo figuratus, eius pecunia reproba nominata eſt.
 de hoc dichryſo nos alibi, quem & binionem au-
 reum dictum docebimus. biſaureum reddit ve-
 tus interpres. Hic Epiphaniꝝ æuo non amplius
 uſu terebatur. obſoletas igitur ille & antiquas
 nummorum formas in hoc tractatu de Ponde-
 ribus attigit, non recentes, & ſui temporis
 uſuales. quare cum Follem, qui ex duabus ar-
 genti minis ac ſemiſſe, hoc eſt ducentis quin-
 quaginta denariis ſive drachmis componeba-
 tur, percenſuiſſet, addidit, Follem illum καὶ τὸ
 δλωρεισμός eſſe, ὃ καὶ τὸ ἀργυρεός, ideſt iuxta ra-
 tionem antiquorum denariorum, non iuxta
 modum recentium argenteorum. Hoc pla-
 nè ſignificant illa verba. Follem κατ' ἀργυρεο-
 μόν, hoc eſt ἐκ λεπτῶν ἀργυρεῶν, explicant Gloſſæ, &
 nos paulò poſt. Tu ad Epiphanium φόλλι κατ' ἀρ-
 γυρεσμός de argenteo nummo accipis, φόλλι καὶ
 δλωρεισμός de æreo. & quis auctor ita loquitur?
 quis nummos καὶ τὸ ἀργυρεσμός de argenteis num-
 mis dixit? νόμισμα ἀργυρεῶν, φόλλι ἀργυρεῶν ſolent
 dicere. ſic νόμισμα καὶ τὸ χρυσεός eſſet νόμισμα χρυ-
 σεῶν. quo quid ineptius? ita Cercocetij loque-
 rentur qui homines non ſunt, & Græcè ſunt
 imperitiſſimi. Follem καὶ τὸ ἀργυρεσμός diuidiſi in
 duos argenteos. quo teſte, quo auctore? an
 quia & Follis καὶ τὸ δλωρεισμός duos æreos minu-
 tos continebat? tam iſtud falſum, quam illud.
 at hæc ſcribis, Follem καὶ τὸ δλωρεισμός, eſſe mi-
 nutos duos æreos, qui folleralem conſtituunt ab
 argenteo nummo, qui Follis dicitur, diuerſum.
 Hercules tuam fidem! quid ego hæc audio? er-

go *follearis* propriè nummus æreus, *Follis* argenteus. Ergo *follis* de ære non dicitur, vt *follearis*, sed de argento tantum. Cur igitur *φώμις* & *τὸ δλωαρισμός*, de æreo folle interpretaris? *φώμις* debuit dicere Epiphanius, vt ab argenteo nummo qui propriè *Follis* vocatur, distingueretur. quis, ô Cercoeti, *Follearis* meminit græcorum Latinorumque scriptorum, præter vnicum Marcellinum? quis *follis* argentei præter te vnum? at vox *Follearis* apud Marcellinum in mendo cubat, pro qua scribendum, *follaris*, hoc est *τὸ φολάειν*. quod idem est cum *φώμις*. *Follis* vero pro argenteo nummo, vbi vola aut vestigium apud auctores? ais hæc quidem Petauium docere nos posse quod *Follis* argentei nummi sit vocabulum, Animaduersionum Epiphaniij pag. 444. quibus auctoribus, quibus testimoniis ille doctor nobis id probabit? vnico hoc loco Epiphaniij quem sic interpretatur, vt *φώμις* & *τὸ δλωαρισμός*, sit *follis* argenteus. Hæc Petauiana auctoritas tibi defugienda non est, at nos eam *follis* vnus nec æstimamus. quantum est auctorum qui *follium* pro nummis meminerint, nunquam aliter *follem* quam pro æreo nummo posuerunt. Ante Constantinum sesterlius æris, *follis* æris dicebatur, cuiusmodi centenis aureus solidus tunc vulgo æstimabatur. Post Constantinum, vt solidi minores, ita & folles facti sunt. Nam follibus æreis centum octoginta octo, solidus illis temporibus permutatus est, quæ ratio mansit vsque ad extrema imperij tempora. *Follis* igitur nummus æreus & parvus: *miliarensis*, argenteus vi-

ginti quatuor his follibus valens. Prouerbiura
 Græcum est vulgare: ἔχει τὸ σφραγισμένον φύλλος
 ἄξια ἢν αἰσῇ, ἀλλ' οὐκ ἔστιν ἀφελῆσαι. Ceterum de fol-
 le argenteo æternum apud auctores silentium.
 φύλλος igitur τὸ ἀργυρεῖον est follis ex argenteis
 cōpositus, ὃς ἀργυρεῖον λεπτὸν συναγόμενος, & nume-
 rus certus nummorum fuit, siue ἀθροισμα, non sin-
 gularis nummus. Hunc Follem Glossæ Nomicæ
 Labbeanæ describunt, & paulo quidem emen-
 datius Sirmondinæ, quas ad Epiphanium citasti.
 Verū quantum in eo Glossarum loco, & folle
 explicādo aberraueris, operæ est scire. Glossæ: ἔστι
 ὃ καὶ ἑπταεὶς φύλλος συναγόμενος ὃς ἀργυρεῖον λεπτὸν τὸν τοῦ
 σφραγισμένου διδομένον, καὶ ὃς τὸν μιλιαρσίου καλόμενον.
 ἔχει ὃ ἕκατος τὸν τοῦ λεπτὸν ἀργυρεῖον κατέπαι ἢ ἡμῶν
 πένδεξι. ὃ ὃ φύλλος ἀργυρεῖον τοιαῦτα πέντε, ἃ ποῖσι κατέπαι
 σία, καὶ νόμισμα θ'. Hi miliarenses siue minuti ar-
 gentei, singuli siliquā vnam & siliquæ dodran-
 tem habebant, centum & viginti quinque hu-
 iusmodi argentei, siliquas ducentas decem &
 octo faciebant, cum nouem nummis. ita Glossæ.
 Nunc tua videamus & perpendamus. supra
 pag. 40. scribis quemlibet horum miliarenesium
 pōdus habuisse siliquæ vnius & dodrantis. Heic
 vero dicis vniuersos centum viginti quinque
 miliarenses, siliquarū pondus habuisse ccxviii.
 hoc est vniuersæ vnius & siliquarum civ. error
 quidem in hoc calculo minutus: nam ccxviii.
 siliquæ vnciam vnam cum dimidia reddunt, &
 quatuor siliquis. centum enim & quadrāginta
 quatuor in vncia siliquæ sunt. hoc paruum est,
 sed ad id quod agimus non parui momēti. Ani-
 maduersionibus in Epiphanium vbi hunc fol-

ANTONIVM CERCOETIVM, 69
 lem explicas, pag. 433. tradis ex argenteis istis
 cxxv. qui follem explent, confieri nummos, si-
 ue solidos aureos nouem. *Etenim, inquis, ceratia*
ccxxviii. si per nouem partiare, singulis viginti
quatuor competent; quantum solidi pondus erat. ac
ne neges dixisse, quod sæpe facis, iterum hoc
repetis sub finem pag. his verbis: Ergo in vncia
siliquæ sunt cxxiv. quæ si per quatuor diuidantur,
dant unicuique solido veteri siliquas xxxvi. si per
sex, dabunt solido siue sextula siliquas xxiv. quæ
μεξ'πα vocantur. Apparet ergo ccxxviii. μεξ'πα
rectè nouem nummis, siue solidis imputari, quos esse
Glossa dicis miliarenses λεπίδες cxxv. quod nouem
νύμμις in illa Glossa pro nouem solidis accipis,
quasi νύμις ibi sint νμισματα, nihili facio. longè
enormius est, & horribilius, quod istic te pec-
casse ostendam. Dicis cxxv. miliarenses, quo-
rum quilibet siliquæ vnus pondus haberet, si-
liquas ccxxviii appendisse. concedamus. ais idè
ex his cxxv. miliarésibus solidos aureos confieri
nouem, Aurei porrò nouem solidi quorum sin-
guli xxiv. siliquas pendebant, ccxvi. siliquas red-
dunt. sic fiet vt centum viginti quinque milia-
renses, ducentarum decem & octo siliqua-
rum pondus habentes, valeant nouem solidis
aureis idem omnino pondus habentibus. Ita
secundum hanc Petauianam Cercoetianam-
que λογιστική, argentum auro ισοτάσις & ισο-
δύναμις fuerit, & aurum argentumque paris
ponderis, par etiam pretium habuerint. quid
nunc dices, Cercoeti, de hac tua Petauiana lo-
gistica? quid tertius tuus mastigophorus quem
expectamus, lorariis nostris super hoc respon-

debit ne totus dilaceretur loris? fugam aut latebras tibi suadere non debent sodales tui. Ad salutem nihil aliud iam tibi restat nisi restis. De aureis siliquis hęc intelligendum, non de argenteis, & cum miliarenfis siliquam vnā cum tribus quadrantibus habere dicitur, de pretio non de pondere accipiendum. nec enim siliquam vnā & dodrantem pendebat hic argenteus, sed valebat. centum viginti quinque huiusmodi miliarenfes ccxviii. siliquas habebant & tres siliquæ quadrantes, vel quod idem est nouem nummos. ita enim Glossa: ἀρχαία τριαῦτα ἐξέ, πέντε κεράτια σι, ἑνὶ μὲν θ' pro tribus siliquæ quadrantibus nouem nummos posuit, hoc est nouem folles. Nam auri siliqua vna duodecim folles habebat, sic dodrans siliquæ, nouem folles siue nouem nummos. quatuor autem huiusmodi miliarenfes, quorum quilibet siliqua vna & siliquæ dodrante æstimabatur, septem siliquas reddebat. at alii fuere miliarenfes, qui tunc in vsu publico erant constituti, qui singuli duabus siliquis valebant, & duodeni solido viginti quatuor siliquarum imputabantur. Glossæ igitur Nomicæ priores illos miliarenfes, quorum vnusquisque siliquæ vnus dodrantis fuit, redigunt ad pretium aliorum miliarensium tunc vsuatorum, quorum quilibet duas siliquas integras valebat: ἰ δ' φέμις ἀρχαία τριαῦτα ἐξέ, ἃ πέντε κεράτια σι, ἑνὶ μὲν θ' ἔτι πρὸς τ' ἑνὶ κερατίῳ μιλιάρια ρθ', ἃ ἑνὶ μὲν θ'. ergo miliarenfes, qui tunc curabant, duarum erunt siliquarum. cuiusmodi centum, & nouem miliarenfes, centum viginti quinque ex alijs miliarensibus, qui siliquam

tantum & siliquæ dodrantem habebant, complectebantur. Vtrorumque miliarenſium ſummam ad aurum redigit, & quid in auro valerent ſtatim exprimit: *μίσμα*, inquit, *καὶ χαλκ-μαπ ῥηίσματα θ', μιλιάρισσι ἐπ', ὅμμοι θ'*. centum viginti quinque miliarenſes, quorum ſinguli ſiliquam vnam, & dodrantem habuere, ccxviii. ſiliquas, & dodrantem ſiliquæ reddebant: centum & nouem miliarenſes *δικέγρατι* hoc eſt binarum ſiliquarum ſinguli, totidem ſiliquas ex ſe gignebant, hoc eſt ducentos decem & octo, quibus addendi nouem nummi, hoc eſt ſiliquæ dodrans, quæ ſumma excurrebat in prioribus miliarenſibus. ducentæ porro, & octodecim ſiliquæ in auro reddunt nouem ſolidos, cum vno miliarenſi *δικέγρατῷ*, & nouem folles ſiue nummos. Nouem quippe ſolidi ducentas, & ſedecim ſiliquas pendebant. quibus adde miliarenſem vnum, hoc eſt duas ſiliquas. ſient ccxviii. ſiliquæ. excurrebat in priorum miliarenſium ad ſiliquas reductione, ſiliquæ dodrans, hoc eſt nouem nummi, ſiue nouem folles. duodecim miliarenſia *δικέγρατα* in ſolido. ſolidus ipſe viginti quatuor ſiliquarum. ſiliquæ ſingulæ duodecim follium. miliarenſis qui duas ſiliquas habebat, follium viginti quatuor erat. ſic ſolidus duodecim miliarenſes habebat, viginti quatuor ſiliquas, folles vero centum octoginta & octo. *Νῦμμοι* itaque in illa Gloſſa, non ſunt *ῥηίσματα* ſiue ſolidi, ſed *νῦμοι* hoc eſt folles. & miror qui nummos ibi pro ſolidis accipere potueris, cum tam aperte Gloſſa diſtinguat ſolidos à nummis, *πὲ ῥηίσματα ἀπὸ τῶν νῦμων*.

μῶν. γιόλθα inquit, ὃ χρεάγματι νομίματα θ', μιᾷ
ρήσοι εἰ, τῷ μμοι θ'. Sed hæc nos alibi pluribus. Nūc
ista satis, vt pateat te ad miraculum vsque rei
Nummaria, vt rerum ceterarum esse imperi-
tum,

Ais me stertere, quod dicam Græcos vocem
βαλλαντίαι, neque pro singulari nummo, neque
pro coaceruatione nummorum vnquam acce-
pisse. tu vero non stertis, sed stans & vigilans ritu
cantherino somnias, cum id negas. vbi legisti,
fatue, βαλλαντίαι, aut θύλακοι, aut μαρσύπποι apud
Græcos pro certa nummorum quantitate poni,
vt Follis apud Latinos ponitur? quinimmo Græ-
ci ipsi qui de ponderibus, aut re monetaria
scripserunt, vocem hanc φόλλαις in hoc signifi-
catu retinent, quæ vox quia Græca non est, sed
Latina & peregrina, ideo eam Græco vocabulo
explicarunt, & φόλλαις id esse dixerunt, quod Græ-
cè est βάλλαντίαι. Hero θύλακοι dixit pro βαλλαντίαι.
ὁ φόλλαις, inquit, ἐκ ἀργύρου πληρεῖς, καλεῖται ὁ ὡς
ῥωμαίοις θύλακος. Nam vox Follis Latinè, & sac-
cum & marsuppium significat. Ostende Græ-
cos θύλακοι pro nummorum coaceruatione po-
suisse, tum mihi eadem opera probaueris te fa-
ctum & imperitum non esse.

*De pondere denarij, in materia & pretio suo.
nummos etiam pondera esse. in scitia
& ineptia Petauij.*

Andite nunc Heliconæ Deæ. Li-
bet iam tibi, vt ais, tot hallucina-
tionum mearum causam & ori-
ginem pandere, tuam certissime
pandes in scitiam sed quam causã
illam putas? quod nesciã inquis, inter pondus,
& pretium pecuniæ distinguere. quod sciunt,
qui nondum ære lauantur, quod & tu scis, Cer-
coeti, hoc ego nescirem? sed tu qui tã bellè di-
stinctiones omnes tenes, tam stolidus es, vt ne-
scias distinguere inter pondus argenti, & pon-
dus æris, quo taxatur argentum. Argenti, vt au-
ri, pretium est çs. vt argentea pecunia τὴ δυνάμει
ac pretio çream continet, ita & eius pondus. nã
in omnibus nũmis pretium ex metalli sui pōdere.
nec nummus vllus sine pōdere. quinimmo, &
nummi omnes τὰ μὲν sunt, & dicti sunt. Moneta
itaque quę maior est in metalli pretio, in pōdere
minor, comprehendit & continet illam quę in
pretio minor est, maior in pondere. Hinc qui
de ponderibus & re nummariæ scripsere, solent
plerumque nummo illi qui plus habet in pre-
tio, vilioris nummi pondus ascribere & assi-
gnare. Nam vt diximus, pecunia minor ponde-
re, maior metalli merito, numerum & pondus
continet illius pecunię quę pretio inferior, nu-
mero & pondere præcellit. Hęc causa est cur

Glossę Nomicę singulis denariis tribuant pondus librę vnus, & vnciarum trium. quod nisi ex hac obseruatione ac distinctione, non possis explicare. Denarius metalli sui, hoc est, argenti $\tau\alpha\theta\mu\omega$, non plus pendit quam vncię octauam; $\tau\tilde{\eta}\delta\omega\acute{\nu}\alpha\iota$ vero hoc est pretio quo taxatur, habet in ære libram vnam & vncias tres, quia sexaginta asses habet, qui hoc pondus efficiunt. Nam Hero, Epiphanius, Maximus totidem asses huius ponderis denario attribuunt. Hęc etiam causa est quare Eusebius Pamphilus in Ecloge $\omega\epsilon\iota\tau\alpha\theta\mu\omega$, alijque, denarium Romanum quatuor vnciarum faciant, qui septimam tantum vncię pendebat. quod enim, vt suprā diximus, sexdecim asses denario imputarentur, qui quatuor vncias æris pendebant, idcirco denarium quatuor vnciarum esse dixerunt, quia quatuor esset sestertiorum vncialium. Hęc etiā causa est quare miliarensem argenteum, qui quintam vncię partem in argento pēdebat, decem vnciarum pondus habere tradiderint. ita enim apud multos legi qui de Ponderibus scripserunt: $\mu\epsilon\lambda\iota\alpha\rho\acute{\eta}\sigma\iota\varsigma, \tau\epsilon\alpha\pi\alpha\pi\kappa\omicron\tau\iota\delta\omega\epsilon\gamma\iota, \epsilon\iota\chi\epsilon\iota$ i. relatione ad æs facta quo æstimabatur, non ad argentum, ex quo feriebatur, hoc pondus habere dicitur, quod alibi fusè explicabimus. Nihil itaque opus erat, vt vano stlopo buccas heic tibi inflares de denarij pondere, de estimatione in decem asses primum, deinde & sedecim. Hęc ego in cunis adhuc vagiens non ignorabam. Sed si illa tu scisses quę heic notauimus, pro meis hallucinationibus, tuas numerasses. Verum age nunc doce nos, magister insubulate,

cum satis constet denarium in argento septimam tantum vnciæ partem ponderis habuisse, quod genus illud denariorum fuit, cui libram vnam & vncias tres Glossæ Nomicæ assignant. idem & in alio Lexico veteri mihi lectum est : *δλωδρίον τ' αὐτὴν ζ' λίτρας μίας, ὅς τις τρεῖς*. bene habet. doces nos denarios illos quos in Fölle ccl. Glossæ constituunt, pondere singulos vnciarum quindecim, nummorum non esse sed ponderum nomina. Domine melliflue doctor, qui te Grammaticum non esse dicis, & quem ego scio non esse Theologum, qua in parte litteraturæ, aut quos apud auctores reperisti, huiusmodi aliquem extitisse denarium, qui pondéris nomen esset, nummus non esset? vbi legisti, magister, vocabulis nummorum, pondera quatenus pondera mera sunt, fuisse appellata? Nomina ponderum sunt scriptula, sicilici, semunciae, vncia, libra, mina, talenta. Hæc pondera sunt, quæ numismata non sunt. at species quasdam fuisse, nominibus nummorum appellatas, quæ ponderum tantum vicem præbuerint, id tam inauditum, quam certum est fatuum esse Cercoetium, & Cercoetium esse Petauium. Constat quidem plerasque nummorum formas, vt omnes certo pondere signatæ fuerunt, etiam ponderum vsum præstitisse, vt drachmæ, oboli, solidi apud Medicos sæpe vicem ponderum usurpantur, sed non minus tamen & pro nummis exhibant. Denarius, Inquis, pondus vnciarum quindecim fuit. cur tale pondus quindecim vnciarum, denarij nomine nuncupatum est? quæ ratio huius appellationis? denarius

nummus erat, qui septimam pendebat vnciæ. cur ponderi quindecim vnciarum hoc idem nomen impositum est? si ratione non potes, auctoritate saltē pugna. quis auctor denarij vocē vsurpauit pro pondere libræ vnius & trium vnciarum? Glossas nos adire iubes. quid illæ tinniunt? *φίλλis τὰθυσ ἐστὶ λεγόμενος καὶ βαλλαντίον. pondus est*, inquiunt, cuius item partes pondera sunt, nō nummi. Hoccine inquiunt illæ Glossæ quod illas dicere vis. ad nutum igitur tuum loquuntur, vt tintinnabula Claromontani collegij. Follis Latinè est marsupium vel sacculus nummorum. Glossæ *βαλλαντίον* heic interpretantur. inde & coaceruatio nummorum, quantum vnus follis capere posset, appellatione follis nuncupata, at vis hunc Follem ita dici, non quod multos nummos, sed quod multa pondera contineret. ergo Follis hic, marsupium ponderum fuit, non nummorum. quid ita? quia *φίλλis* in Glossis *τὰθυσ* exponitur, ideo & partes eius *τὰθυσί* siue pondera, non nummi. quid potest *ἀσπλογιτότης* aut ineptius excogitari? atqui scias, ὁ παδοτρίβα, tum coaceruationem ipsam nummorum, hoc est Follem *τὰθυσί* appellari, tum singulares nummos omnes qui partes sunt Follis, etiam *τὰθυσί* dici. Mina est *ἀθροισμα* & pondus centum drachmarum, drachmæ quoque singulæ *τὰθυσί* sunt: nam vnaqueque suum pondus habet, & certo pondere signata est. Hinc & *δραχμί* simpliciter, & absolute sunt appellatæ. ita & de Folle. Follis ipse *τὰθυσ* est, quatenus est *ἀθροισμα* plurium nummorum qui omnes adunati, & in vnum follem coniecti, hūc

τὰ θύματα efficiunt, qui nomine *Follis* appellatur,
 partes quoque *Follis* huius τὰ θύματα sunt, nummi
 scilicet siue denarij ex quibus *Follis* componi-
 tur. Atque hi denarij in argento siue metallo
 suo pondus habent drachmæ vnius; in cære hoc
 est estimatione sua, libram vnam cum tribus vn-
 ciis. Hos denarios tu pondera adhuc pertendes
 esse, non nummos? Paucis adhuc te volo, do-
 ctor indoctissime, priusquam hinc abeas. Epi-
 phanius tuus scribit hunc follem qui ex ducen-
 tis quinquaginta denariis colligitur, componi
 ex duobus argenteis & semisse, qui ducentos
 quinquaginta denarios faciunt. de vno eodem-
 que Folle Glossas & Epiphanium loqui iam sa-
 tis suprâ confirmauimus. De quibus porro ar-
 genteis intellexerit Epiphanius, non est obscu-
 rum. Nam argenteo centum denarios assignat,
 singulis denariis asses sexaginta. per *argenteum*
 haud dubium est, quin minam argenti velit in-
 telligi, quæ centum denarios, vel quod idem
 est, centum drachmas habebat. vocem ἀργυρίου
 pro mina vsurpasse, clarè ipse testatur his verbis:
 μία ἀπὸ τῆ μινῆ. τῇ μὲν γὰρ ἰσχυαῖδε μινῆ δ' ἀργυρίου
 καλῶται· ἡ δ' μία ἡ Ἰταλικὴ πωδράκοιτα ἑκατέρη ὅτι,
 τὴν περὶ ὑψικωδὶ κ', λίτραις μίας ἢ διμυρίου. Vetus Epi-
 phanij interpres: *Mina* prout dicatur *mani* Hebrai-
 cè, siquidem *manis* argenteus nominatur. *Mina* vero
Italiae XL. stateres habet, idest vncias viginti quod
 fit *libra vna*, & *dua tertia libra vnius*. Hero:
 ἀργυρίου καλῶται ὅτι τὸ ἐξ ἀργύρου πεπύφθαι. μάλιστα δ'
 ὅτι ὁ ἐκλίθη ἀργυρίου δλωδρίαι ρ'. ἑκατοσι δ' δλωδρίαι
 αὐτοδρίαι ὅτι ἑ'. ὁ δ' ἀργυρίου μινῆ παρ' ἰβεραισι καλῶται.
 Idem alio loco: ἐξήκοιτα δ' αὐτοδρίαι ὑπὲρ ἑπὶ τὸ

δραχμῶν, ἰσχυρὸν δὲ δραχμῶν δὲ ἀργυρίου. Denarios autem illos paulò post de drachmis explicat, ut ambigendum non sit, quin ἀργυρίου apud eum & Epiphanium sit mina, denarij vero drachmæ, qui centeni in minam imputabantur. Certum est igitur eundem Follem ab Epiphaniò, & Glossis Nomicis describi. Follis Epiphaniij ex duobus argenteis ac semisse componitur, qui ducentos quinquaginta denarios reddunt. Follis quoque Glossarum, ex ducentis quinquaginta denariis colligitur, & consummatur. Si denarij illi Glossarum, nomina ponderum essent, & singuli quidè libræ vnus & trium vnciarum, inde necessario concluderetur argenteum Epiphaniij hoc est minam argenti, quæ centum huiusmodi denarios haberet, libras appendisse centum viginti quinque. quod talenti Alexandrini pondus est, in quo minæ centum & viginti, libras vero centum & viginti quinque. sic mina eiusdem fuerit ponderis cum talento. quo quid similis prodigio fingi potuit? ubi gentium minam reperiās quæ tot libras habeat? mina Attica vnus libræ fuit, & aliquot drachmarum. Italica secundum Epiphanium tuum, viginti vnciarum, host est libræ vnus & duarum tertiarum. Alexandrina duarum librarum cum aliquot drachmis, duplò maior scilicet, quam Attica. Mina Hebraica secundum Iosephum lib. 14. cap. 12. Iud. Antiq. pendebat duo pondo & selibram. Si tuo more agere vellem, tria aut quatuor capita commodarem tam monstruosæ incitiæ propalandæ quæ minam facit centum viginti quinque librarum. Sed meum non est inequitare a si-

nis. *Argyrus* igitur siue *Argenteus* Epiphanio est mina, denarij sunt drachmę quę centenę minam explent. huiusmodi porro denariis siue drachmis singulis sexaginta tribuuntur asses ab his auctoribus qui quindecim libras æris faciunt. Hinc illę Glossę unicuique denario libram vnā & vncias tres tribuunt. quod ita exponendum vt supra posuimus. sic *Follis* iste in argento colligebat minas duas cum dimidia, hoc est denarios ducentos quinquaginta quinque, in ære vero libras trecentas & duodecim cum tribus vnciis. vt hunc follem argenti in *ἄστας κερατίζα*, ita è contra alterum Follem qui similiter ex argenteis nummis colligebatur, ad aurum redigit. quod suprà notauimus.

Vt denarios volebas esse pondera, quę nummorum vsum nunquam præbuerint, ita & asses argenteos etiam heic vis ponderum nomina fuisse. ais igitur errare me, qui assem alium æreum faciam, alium argenteum, neque lexicon meum vetus intelligere in quo ita scribitur: *ἀσάσεις τῷ ἀργεῖν, ἑαδμὸς χαμμάται ἔχ.* nam perspicuè docere assem esse ponderis vocabulum. quare *Cercoeti*? an quia *ἑαδμὸς* exponitur? mirè vt video doctus doctor es, & in re Nummaria valdè versatus, nūquid scis aliquod olim nummi genus cūsum fuisse, quod nullum habuerit pondus? an tu omnes nummos, qui aut pondus aliquod habere dicti fuerint, aut pondus aliquod esse, pro ponderibus habebis tantum non pro nummis? quid si *Lexicon* illud vetus dixisset, *ἀσάσεις ἀργεῖν ἑαδμὸς ἔχ χαμμάται ἔχ*? an aliud velle & aliud significare tibi videntur, *ἑαδμὸς ὅτι*, & *ἑαδμὸς ἔχ*? legitur

in illis Lexicis : λεπτήν ὅτι τὰ θμύς ἔστι τῆς πέταρτος. ἀν
 quæso te λεπτήν ideo nummi nomen non erit, sed
 tantum ponderis? Drachma vulgo dicebatur
 δραχμή. δραχμή idem est quod τὰ θμύς. ergo drachma
 nummus non fuit, sed nomen ponderis. ita sa-
 nè oportet, quia Petauius magister magnus
 Nummarius, & rei monetariæ præficiendus, ita
 censet. cur assēm vero æreum nummum tibi
 placet fuisse, argenteum autem pondus? an quia
 pondera in argento tantum habebantur, non
 etiam in ære? immo antiqua omnia pondera,
 quæ nunc visuntur ærea ferme sunt, aut lapi-
 dea. ita & hodie solemus ærea pondera non ar-
 gentea habere. atqui ut scias assēm argenteum,
 etiam fuisse nummum, ita in alio Lexico scri-
 ptum reperi : ἀσάριοι τῷ χαλκῷ φέλλιας τὸ πέταρτον.
 ἀσάριοι δὲ ἀργύρου λεπτὴν ἔπαι. in aliis, λεπτὴν ἔξ.
 iam vides esse nummum. Nummus omnis, ὁ
 magister, etiam pondus est, sed non omne pon-
 dus est nummus. vncia pondus est, non num-
 mus. drachma & nummus & pondus est, octa-
 ua nimirum pars vnciæ. Res nummaria constat
 pondere & numero, τὰ θμῶν ἢ δρόμων, vel quod
 idem est, δραχμῶν ἢ ἀθροίσματα δραχμῶν siue τὰ θμύς tam
 in singularibus nummis consideratur, & locum
 habet, quàm in numero ἢ ἀθροίσματα. mina quæ
 ἀθροίσματα est ac numerus centum drachmarum,
 pondus etiam est, siue δραχμῶν duodecim vnciarum,
 & dimidiæ. drachma, quæ singularis nummus
 est, & pars centesima minæ, haud minus etiam
 δραχμή est, octauam pendens vnciæ partem. Ma-
 gnus Scaliger non parum errauit, qui in libro
 postumo de re nummaria, δραχμῶν semper iungit
 cum

cum ἀθροισμα & separat à singularitate num-
morum, quasi ὁλὴ siue τὰ μὲς nihil pertineret ad
singulares nummos. Tu qui Scaligeri simiolus
es, & furunculus, quem non tantum mordes
vbique, sed & compilas, hunc eundem erro-
rem similiter erras, quem à Scaligero hausisti.
Relege Animaduersiones ad Epiphanium tuas,
pag. 431. & 434. Eadem porro inscitiae indolē
qua hēc denarios & asses argenteos non pro
nummis, sed pro ponderibus tantum fuisse vfi-
tatos asseris, ita & ibidem *chalcum* aliās nummi
genus, alias ponderis extitisse adnotas. quæ im-
petitia gradum vltiorem non habet, quō pos-
sit ascendere. Dico tibi, magister, ac doceo te,
si magistri doceri se patiuntur, *chalcum*, vt
drāchmam & obolum, ponderis simul & num-
mi nomen semper fuisse, quatenus nummi om-
nes etiam pondera sunt. Qui de ponderibus
Latinè scripserunt, & Græcè αἱ τὰ μὲς, nomi-
ne τὰ μὲς, non tantum vera pondera, vt vncias,
libras, talenta, sed etiam nummos omne genus
comprehenderūt. Eusebius Pamphilus in Eclo-
gē αἱ τὰ μὲς, nummos aureos, argenteos,
æreos τὰ μὲς vocat: οἱ περιηράται τὰ μὲς ποτὲ ἐκ
χρυσίου ἐπιποιῶσι πάλαι, ποτὲ δ' ἐκ ἀργυρίου, καὶ οἱ ἄλλοι ἐκ
χαλκοῦ ἐσθέρου καθαροῦ, οἱ χρυσίου δ' οἱ ἄλλοι.
I nunc
ac dicito argenteum assem ideo nummum non
fuisse, quia τὰ μὲς in Lexico veteri dicatur. assis
æreus, vt omnes sciunt, didrachmalis ponderis
fuit, & quarta pars vnciæ. hinc & didrachmum
argentei assis nomine donarunt: nomisma quo-
que aureum eiusdem ponderis assem appella-
runt, quæ appellatio mansit, etiam postquam

pondere diminutus fuit. Hinc Iulianus Antecessor *treffem* appellat hoc est tres asses, *τριασμοματα*, vel tres solidos. Atque inde solidi denominatio. *assem* pro solido & toto veteres dixerunt, ac vice versa *solidum* etiam pro asse nummo vsurparunt. inde *solidus aureus*, & *assis aureus* pro eodem, quod assis ærei pondus haberet. Assem pro monade etiam veteres Latini posuerunt. quia vero assis aureus, idest solidus sex millibus nummorum permutabatur, inde *ισιας*, idest assis apud Calculones numerus *ἑξαχίλιος*. de quo nos alibi plura. Hęc cum verissima sint quia captum tuum superant, idcirco reprehendis, & sophisticis cauillationibus ludificas, quę hoc tantum testantur, te ex æquo ineptum esse & imperitum.

*Canillatorem, & nugatorem esse
Petauium.*



Væ in hoc capite nostrę de sexagesimis denariorum ex Plinio observationi opposuisti, nihil aliud sunt, quam cauillationes iam pluries à te recantatę, & ex eadem illa frustratione manantes, qua aut stultę ipse credidisti, aut improbę aliis persuadere voluisti nos denarium quindecim vnciarum fecisse, qui octauam partem pendebat vncię. quod satis in superioribus purgauimus.

*Talentum non est nummus, sed numerus
nummorum. de Siculo & Rhegino talento.
ponere vestem. imperitia Petauij.*



O cui talentum nunquam pro
singulari nummo sumi, sed
semper certum numerum nū-
morum, & ἀδελφικὸν significa-
re. an aliud tibi videtur, ô Pe-
dagoge qui Grammaticus nō
es? Itane, inquis, nunquam Festum legisti, vt
ignores quod ex eodem Petauius obseruabat?
Petauium illum noui: magnus est in re Num-
maria Theologus. sed quid ille ex Festo obser-
uauit? *Neapolitanum talentum sex esse denarium:
Siculum trium: Rheginum victoriati.* Rara me-
hercule ac recondita obseruatio. quid inde col-
ligitur? Victoriatus numusne est, inquis, an
ἀδελφικὸν; ô bona Κέρκος Petauij, nunc vicissim
te rogo, an victoriatus nummus fuit Rhegi-
norum? an apud Rheginos vnum idemque
nummi genus duplici nomine, victoriati & ta-
lenti putas nuncupatum? quis nescit Victoria-
tum nummum fuisse Romanorum, primo ex
Illyrico adductum, & mercis loco habitum,
postea Romæ eadem victoriæ nota signatum?
Non igitur apud Rheginos, ô fæne, nummus
erat singularis victoriatus, qui & talenti nomen
haberet, sed aliquot nūmi Rheginorum, victo-
riati vnius Romani valore talentum apud Rhe-
ginos constituebant. idem est & de Siculo ta-

lento, quem trium denarium facit Festus. tres denarij apud Siculos talentum non constituebant, nec enim denarius moneta fuit Siculo- rum, sed multi nummi qui tribus denariis Ro- manis valebant. Nam Festus in talentorum ex- plicatione, ea omnia minima maximaque ad monetæ Romanæ pretium reducit, hoc est ad denarios. ita & talentum Siculū, quod duode- cim nummorum ab Aristotele constituitur, triū denariorum Romanorum pretio taxat. Nummi moneta Sicula. Varro : *Nummi à Siculis*. Duo- decim huiusmodi Siculos nummos tribus dena- riis Festus seu Verrius æstimavit. *Νύμμος* apud Si- culos, Aristotele teste *τεῖς ἑκατὸν δύναι* valebat, hoc est duos obolos & semissē. Atque hic fuit vetus sestertius Romanorum, inde & *sestertium* qui duobus olim assibus & semisse valebat, *Num- mum* simpliciter vocitarunt Romani, & *sester- tium nummum*. quattuor autem sestertii, siue nummi in denario. Hinc talentum Festus, quod duodecim nummis ab Aristotele taxatur, tri- bus denariis æstimat. Talentum igitur apud Siculos, non singularis nummus fuit, sed *ἀθροισ- μα* siue numerus duodecim nummorum. idem omnino statui debet & de Rheginorum talen- to. Cur enim Siculum talentum *ἀθροισμα* esset, Rheginum vero nummus? vt Siculū trium de- nariorum valorem habuit, ita Rheginū vnus tantum victoriati, quod & minimum fuit. Vi- ctoriatus dimidia pars denarij Romani. si de- narium Festus taxauit quattuor nummis Sicu- lis, victoriatus duobus nummis æstimandus venit. sic nummi duo Siculi, aut etiam plures

Rhegini talētum Rheginū constituerint oportet. Cū igitur Rheginum talentū *pecuniolam* esse dixisti ex obseruatione Petauiana, hoc est tua, profecto ingeniolū tuū te decepiti, & otio tuo inultum abusus es. Proxima huic tua non dicam asinitas, vt tu asinus loqueris, sed in re Grammatica Theologiæ scientia, quod *ταλαπείρι* hīc adhuc tuum defendere sustines. Profecto delicatus es *ὑποκορείτης* formator & fictor, vt *pecuniolam* suprà, ita & *talentulum* molliter admodum procudisti. Sed huic tuo *ταλαπείρι* & *τάλαπται* magister, opposuerā regulam certissimā notissimāque grammaticorū, quæ docet neutra in *ο* terminata, non habere *ὑποκορείτης* in *ο* purum, vt solenne est masculinorum & fœminini generis nominū. Nullus est *καὶ* ad cō *καθελικός* quin suas habeat exceptiones. tuum erat ostendere *ταλαπείρι* ab illa regula excipi, cum illis aliquot vocabulis quæ posuisti. An auctorē habes aliquem, Cercoeti, qui *ταλαπείρι* pro paruo talento vsurparit? Epiphaniū nominabis, sed ibi in mendo est, vt scripti omnes & vetus interpres ostendunt, tu vero defendis. iam hēc sumus. Faciam vt noris nullam ex illis exceptionibus, quas posuisti, exceptionem esse, aut hanc regulam infringere. *ἡ γὰρ* non venit à neutro *γῆσσι*, sed à fœminino *γῆσι*. Hesychius: *γῆσαι*, *πῆς ἐξοχᾶς*. similiter *ἡ ζῶπυρι* à fœminino *ζῶπυρι*, nō à neutro *ζῶπυρι*, vt imperitè asseris. *σφύρι* quoque *ἀπὸ τῆς σφύρας*, non *ἀπὸ τῆς σφύρας*. Iam de vocē *σφύρι*, quis neget, quin à masculino *σφύρις* aut à fœminino *σφύρις* descendat potius quam à neutro *σφύρι*; idem est de *νεύρι*, & fœmininè dici.

tur *νεῦν* & masculine, *νῦν*, inde *νεῦν*, non à neutro *νῦν*. ad *νεῦν* quod attinet, vt Lexica vulgaria notant, si verum esset, aliquid rationis haberes duobus omnino locis, vno. Aristophanis, altero Hippocratis hoc *ὑποκορευτὶν* reperiri obseruarunt, sed duobus illis locis *νεῦν* esse, non *ὑποκορευτὶν*, iam faxo docearis. Aristophanes in Pluto :

— *νεῦν* *βίος* λέγεις.

Ibi non est *ν* *νεῦν*, ouicula, sed *ν* *νεῦν*, idest *νεῦν*, veruecinus. Vetus scholiastes exponit, *μυρὸς* & *νῦν*. Sycophanta ibi dicit *νεῦν* *βίος* esse desidē viuere, & negotiis alienis minime sese inmiscere, simplices enim, & *νεῦν* siue *νεῦν* existimabātur, qui sua tantū curarent, quique minimē *πολυπραγμονες* erant. Eodem sensu *ἀμεινοῦ* apud eundem Aristophanem in Equitibus, de ciue minime malo, & litium negotiorumque fugitante :

Καὶ σκοπῶς γὰρ τῷ πολὺν ὅστις ἔστι ἀμεινοῦ,

Πλάσιος ἢ μὴ ποικρὸς ἢ τρέμει πὲρ πείσματι.

Vbi *ἀμεινοῦ* Scholiasta veteri, est *ν* *νεῦν*, *νῦν*. Idem igitur est, & *νεῦν* siue *νεῦν*. Apud Hippocratem de morbo sacro ita legitur : ὅστις ἄλλοι *νεῦν* αὐτὸς πλὺν αἵματος, & *βίος*. quis nisi *νεῦν*, & Cercocetianus, sibi persuaferit Hippocratem cum de bubus etiam loquatur, *ὑποκορευτὶν* hanc vocem *νεῦν* de illis vsurpasse, & *νεῦν* boues appellasse? *νεῦν* certè Græcis est pecoris omne genus etiam bucerum. at de buccro quod omnium maximum est, voce diminutiva, quæ minimis tantum ouiculis conuenit, vsus esse tantum au-

doctorem, & proprietatum adeo obseruantem
credibile non est. *ὑπεράτις* igitur Hippocrati est
ὑπεράτις, vel *ὑπεράτις*. *ὑδὲ ὅτι ἀλλο ὑπεράτις*
αὐτῆς, nihil habent pecuarij generis. *αἱ ὑπεράτις*,
sunt pecuaria. Ex his cognoscis tandem quam
imperitus sis, quamque nihil supra vocabula-
ria & Lexica in Græcis sapias. His etiam perle-
ctis quæ de re nummaria hęc adnotauimus in-
telligere poteris, friuola esse, nugatoria, incerta,
falsa, quæcunque super eodem argumento ad
Epiphaniij libellum de Ponderibus, magno cum
labore, nullo iudicio conguessisti. Ad hæc vel
centum mastigophoros para, tu stigmata illa
imperitiæ & imposturæ, quæ semper victura, sti-
lus hic tibi meus inussit, nunquam delebis; ô
mastigia, Maculæ, inquam, illæ tibi æternum
impressæ residebunt, nec vnquam eluentur.

Ponere vestem pro imponere iterum rides, quia
ridiculus es, & imperitus. Græcitatem vbi-
que affectat Tertulianus, *ponere* hęc vt Græcis,
τίθει & *βάλλει* pro *ἐπιτίθει* & *ἐπιβάλλει*. Nam *τί-
θει* Græcis etiam est *ὑποτίθει*. & *βάλλει* *ἐδῆτα* est
ponere vestem pro imponere. quod argutaris ita
Latine dicendum fore *ponere lapides* quod Græ-
ci dicunt, *βάλλει λίθους*, quam ineptum est & so-
phisticum? quod enim Græci dicunt *βάλλει ἐδῆτα*,
hoc est vestem induere, vertendum Latine ef-
fet, *iacere vestem*, quia *βάλλει λίθους* significat ia-
cere lapidem. Vides ineptiam. Præterea vt
τίθει & *ἀποτίθει* Græcis cōtraria sunt, sic Tertu-
liano *ponere* & *exponere*. & vt *exponere vestem*
vsurpat pro exuere, ita è contrario *ponere* pro

imponere, & induere. Ponere igitur vtrumque significat, & imponere & deponere. vt *moliri* & pro demoliri sumitur, & pro immoliri. De voce *tractus* quum centies eam suo, idest masculino genere Salmasius in Eucharistico ponat, quod eam semel properante calamo, *spatium* fortasse cogitans aut aliud verbum, neutro protulerit, ostentum imperitiæ vocas. ô Petauî, hinc apparet quam putidus sis, & quâ maiora te ad reprehendendum deficiant, cum ista quæ minimis minora sunt, tam exquisite reprehendis, & tanti facis?

*Salmasius purgatus. de pedulibus. in scitia
& ineptia Petauij.*

Non tantum me tibi oneris imponere putabam, ô magister, quum à te postulauî vt commentarium illum errorum & hallucinationum Salmasii quem promiseras promeres. ain tu? describendos eius fore integros commetarios, si quis hoc dignè præstare vellet? apage, Herculeum laborem dicis. Noli quæso tantum negotii mea causa capeßere. poteris igitur hac cura supersedere, quæ tantum tibi crearet molestiæ, præcipuè, cum vt dicis, occupationes tuæ Theologiæ otium istud tibi non permittant. Præterea commentarij illi Salmasiani satis bene cusi sunt, quid opus eos integros describere? De loco Epiphaniij vbi Catharorû

mentio, in quo Salmasium hallucinatum esse, tragico hoc est tuo more toties reboas, Salmasius ipse, si tanti te facit, tibi respondeat. possum tamē nunc pro illo tibi dicere, locū illum Epiphaniij non ab eo citari ex Epiphanio ipso, sed ex Glossis Nomicis. cum de odonibus tractaret ad Historiam Augustam pag. 221. Glossas Nomicas in voce *ἰστορία* citauit, quę locum illum Epiphaniij habent. vt autem concipitur locus Epiphaniij in illis Glossis, non alium sensum admittere potest, quam qui à Salmasio indicatur. Hoc tamen peccauit Salmasius, quod Epiphanium non consuluit. quid si ad manum tūc non habuit, quem consuleret? quid si properabat? Nam Epiphanium Salmasio non fuisse lectum cui probabis? senties ipse, & existimationis quidem tuę magno damno senties. peccatum hoc sit Salmasii, negligentię peccatum est. Hoc certē Galliam non pessumdedit, nec regni vires attriuit, at in illo ipso Epiphaniij loco Latinē conuertendo quam imperitē & ineptē versatus es, quum *πῶς, pedulia ornamenta* reddidisti! ornamentis gratia scilicet, atque vt phrasim magis Ciceroniana esset, illud *ornamenta* addidisti ad *pedulia*. quid, inepte, pedulia tibi sunt ornamenta? quę sub pedibus habentur, quę tota intra calceos latent, an ea tibi ornamentis gratia gestari videntur? Fronto *Hoc pedule est quod sub pedibus prestat vtilitatem*. Vides & pedale substantiuē dici non adiectiuē. Festus: *pedulia quę dicimus, ῥόδια Gręcos appellare manifestū est. iā & heic peccas quod de substantiuo adiec-*

ctium facis. sed hoc ideo tibi facile ignosco,
 quod magis Theologus es quam Grammati-
 cus, & quidlibet magis quam Theologus. il-
 lud etiam ex Theologia tua, non enim ex
 Grammatica, procedit quod *πόδι* apud Epi-
 phanium in notis, *soccus laneos* interpretaris, &
βαβία ὑποδηματα. ad calculos sedeamus, ara-
 sumamus, & numeremus errores. *βαβία ὑποδη-
 ματα* Græci vocant calceos altos & profundos
 quæ crura vestiunt. *πόδι* sunt fasciæ pedules quæ
 pedes tantum inuoluunt. nam quæ crura vela-
 bant, non *πόδι* sed *σχελιά* vocabantur, vt Lati-
 nis fasciæ crurales, quæ distinctæ à pedulibus.
 Hic *πόδι* nobis, hoc est pedulia cum calceis pro-
 fundis confundit. soccus est sandalii vel soleæ
 species, quæ pedis partem infimam tantum te-
 git, & ab alto calceamento longè diuersus est.
 Cercoetius soccos laneos, & *βαβία ὑποδηματα*
 nobis eadem facit. *soccus præterea laneos*, indica
 nobis vbi tu repperis, Cercoeti. Nam, quod
 sciam, nemo veterum meminit soccorum la-
 neorum. *solearum* quidem *lanatarum* mentio
 apud Martialem. sed solea non est soccus. quid-
 quid ex lana factum pedes tegit, vt pedulia &
υδρες, *calceus laneus* dici quidem potest, sed non
 nisi valdè improprie *soccus laneus*. nec enim om-
 nis calceus soccus dicitur, licet quidquid pedem
 velat, calceus dici queat. Sic lepidus sutor Peta-
 uius in Cercoetiana sutrina nobis *soccus laneos*
 profundorum calceorum forma, & *pedulia or-
 namenta*, diebus scilicet festis in publico osten-
 tanda, concinnauit. Qui soccos laneos, rem

ANTONIUM CERCOETIVM. 91
nouam quæritis, & bella ornamenta pedulia,
ite ad Petauium. Valdè crucior expectatione
centesimi tui mastigophori, Cercoeti, cum
propter alia, tum vt sciam quid noui nobis di-
cturus sit super istis pedulibus ornamentis, &
soccis lançis. iterum nugas blaterabit, certo
scio, & sophisticas cauillatiunculas, sed ito-
rum, ita te certum facio, vapulabit.





ADVERSUS
ANTONIVM CER-
COETIVM MASTIGOPHORVM.

PARS SECUNDA.

Inscitia & errores Petanij.



MASTIGOPHORO tuo pri-
mo & modo respondi, ô masti-
gia, & singulis eius capitibus
totidem capita opposui. Nec
pœnitet fecisse, etsi pudet me
quod te tanti fecerim. Sed
quia de re nummaria totus erat, & in exposi-
tione locorum aliquot Epiphaniij de Ponderi-
bus versabatur, libuit paucas horas perdere dū
ostendo, quam nihil & hac in parte Epipha-
nium iuueris, & quantum in hoc argumento
monetali, vt ceteris in rebus omnibus, ingenij
iudicijque pauper sis, & omnis intelligentiæ ex-
pers. Huic secundo vero Mastigophoro ideo
nihil reponere decreueram, tum quia pigeret
diutius cum homine tam imperito hanc litte-
rariam ferram ducere, tum quia præter cauilla-

toriarum tuarum Logices ludibria, & nugae nihil omnino contineret. Verum ut hoc etiam vellem fecisti, dum, ut quam facillime id possem praestitisti. Adiectus à te est in fine indiculus praecipuarum hallucinationum, & errorum Confutationis, quos uterque tuus, inquis, mastigophorus castigavit. Hae hallucinationes praecipuae, & iudicio tuo maxime reprehendi dignae, quaeque alicuius momenti videantur, numero sunt XVII. Si hos igitur quos ipse gravissimos iudicasti, non solum leuissimos, sed etiam errores non esse tibi demonstraero, quid illis fiet leuioribus, quos in hunc numerum praecipuorum accensere non ausus es? quid inquam, illis fiet, quos pro leuibus habuisti, si gravissimi fiunt leuissimi, immo nulli? immo quid tibi fiet, aut quid causae fuat, quin pro leuissimo & nugacissimo paedagogulo habearis, & summo in re Grammatica Theologastro? Ex illis porro maioribus ac praecipuis septemdecim hallucinationibus decem priores ad rem nummariam pertinent, quas omnes superius in prima parte refutationis nostrae dispunximus. septem restant hęc discutiendae. à prima quae in tuo numero undecima est incipiamus. XI. *versura, est simplex mutuum & versuram facere est simpliciter mutuari.* Hoc hallucinationem vocas, Cercoeti, & quidem praecipuam? ergo & Tacitus hallucinatus est, qui *versuram* pro simplici foenore posuit? ergo & Cicero Latine nesciuit qui sexcentis locis ita *versuram* usurpavit? *versuram facere* pro mutuari hallucinatio tibi est? ergo hallucinati Cornelius Nepos, & Plinius qui ita lo-

quuti sunt, & quorum loca in confutatione adduxi? de loco Ciceronis ad Atticum, vbi *versuram facere* idem significat, quam frustra sis alibi dicitur. transeamus ad duodecimam.

XII. ὑφίλις *Latinè per u reddi non debet.* quam pro mea numeras; tuam esse hallucinationem bene positis calculis reperiemus. ex Latina voce *rutilus* verbum Græcum feceras ὑπυλίζεις, pro ὑπυλιάζει. imperitissimè. Nam Græci recentiores in vocibus quas ex Latino usurpant, nunquam u in ὑφίλις mutant, sed in y. sic γύλας dicunt, quæ Latinis *gula* est, non γόλας: sic μύλας *mulam*: πυλίζεις, non πυλίζεις, qui est pulvinus. λυδίς, non λυδίς pro *ludo*, vnde λυδοτρόφοι in Glossis sunt Lanistæ. & ita sexcenta talia. ad hæc opponis Latinos veteres in verbis quæ de Græco traxerunt ferè semper ὑφίλις in u mutasse. quid simile? aut quid hoc ad nostram quæstionem? an ijdem tibi sunt, ô fatue, veteres Latini cum recentioribus Græcis? illi mutabant ὑφίλις Græcorum in u, isti vero u Latinum in y. Exime igitur & hanc de numero mearum hallucinationum, & inter tuas repone. Videamus decimam tertiam.

XIII. ἑταρῶματα *varia*, vt cum idem asserit; *rugas esse tabulas; rugas non esse tabulas, &c.* Hæc ἑταρῶματα totidem tua mendacia sunt. rugas à tabulis semper esse distinguendas docui, quas tu imperitissimè confundebas. videatur Confutatio. Tabulas intra vmbonem esse, extra vmbonem rugas ibidem docetur, nec quicquam quod contrarium sit, dicitur. tabulas in longum porrectas, & longiores quam latiores esse do-

et eadem Confutatio. Nam ab umbonis ambitu ad centrum porrectæ tabulæ, quæ plicæ fuerint subtiles, & strictæ inuicem, quibus umbo congregatus & contabulatus. Hinc *tabulatum* vocat hunc umbonem, & tabularum *congregationem*. Cum igitur umbo iste ex tabulis siue plicis totus esset compactus, & collectus, nullæ extra umbonem tabulæ, nec esse poterant: nam extra umbonem rugæ vestis quibus tabularum nomen *autelium* haud potuit conuenire. Hæc etiam mentiris me *tabulam* hemisphaerium & globum interpretari, hoc est umbonem cum tabula eundem facere, quem ex multis tabulis, & plicis compactum dixi. Perge Cercoeti gnauiter impostor esse, aliter Petatius non esses.

XIII. *Caliga idem est quod solea. & tamen idem non esse fatetur.* Caligam genus alti ac profundi calceamenti fuisse quo milites olim tibiati talceabantur, eoque à solea diuersum dicere memini, & verum est? an tu id negas? Nunquam apud veteres Latinos, *caliga* vox aliter sumitur. At recentiores Latinitatis auctores etiam *caligam* pro solea usurpasse, tot testibus probati ut hoc verum negare illi soli liceat cui ferrea cucurbita pro fronte turget. Nosti quis ille sit, Cercoeti. illud porro monstri simile est, cum in Animaduersis dixeris delirium esse nullis flagris fatis expiandum, caligam pro solea accipere, aut ita aliquandò acceptam docere, te nunc eundem illum Cercoetium rationem reddere velle, cur caliga pro solea olim usurpata sit. quæ vertigo tanta desultorium tuum ingenium sic re-

pente raptavit? saltem si probabilem aliquam rationem attulisses. Sed peream male, si quidquam illa insulsius, aut illis omnibus ineptius & falsius, quæcunque hæc de caligis, soleis, sandaliis aliquot capitum consarcinatione deblateravisti. Verum de his alibi. hæc tantum sufficiat monstrare, non hallucinari eum qui dicat *caligam*, militarem olim fuisse calceum, & à solea diuersum, postea etiam pro solea usurpatum, quinimmo & milites olim calceis altis usos esse, quæ *caligæ* dicebantur, postea eisdem crepidas quoque gestasse, quæ & *caligæ* veteri nomine sunt appellatæ. Hinc *caligæ* pro soleis. Hanc observationem, tam multis & claris assertam testimoniis, tu multis nugis euertere conatus es Cercoeti. an fecisti? nihil minus, quare & hanc facessere iube de grege præcipuarum hallucinationum, quas aut mihi qui sum Franciscus Francus, aut Salmasio adscripisti.

XV. *Mullei calcei à colore mulli piscis dicti; & eisdem ab eo colore non appellati.* Hæc præcipua hallucinatio, si vlla est, nihil ad me, qui sum Franciscus Francus attinet, sed Salmasium tota spectat. Salmasio igitur hæc obijcis, & inter præcipuos eius errores cõputas, quod ad Historiã Augustam mulleos calceos notauerit à mulli piscis colore dictos; in Notis vero ad Pallium, aliud etymon huius vocis attulerit. quid ô trifatue? damnas eos qui inuentis melioribus, peiora repudiant? an non licet mutare sententiam, & verioribus concedere? an excogitare, quod melius sit & proferre crimen erit? an hallucinabuntur, qui hoc facient?

XVI. *decem*

XVI. decem annis ante natum Diogenem Cynicum Athenis passim Cynicum pallium gestabant. ineptè. quasi Diogenes primus τὸ κυϊσμὸν auctor fuerit, & non Antisthenes, cui & plures ex veteribus Pallii τὸ δῖπλῳσι tribuunt. videndus Diogenes Laertius in eius vita. Antisthenes Socratem audiuit, à quo ἔ τ' ἐδρ πεικόν λαβών, καὶ τ' ἀπαθὲς ζηλώσας κατῆρξε πρὸς τὸ κυϊσμὸν, inquit idem Diogenes. Sanè Socrates ipse & eius sectatores πολλοὶ ἐδρ πεικόν tam in victu quam in habitu affectabant. vnde & τὸ ἀποδοσιάν, & τὸ ἐπὶ τῷ γυμνῷ τῷ ἱματίῳ vsurpasse illos constat. vtrumque in illis carpit Aristophanes in Nubibus:

Τοῖς ὀχλειώταις, τῖς ἀνυποδύσεις λέγεις

Ὡς ὁ κακοδαίμων Σωκράτης καὶ Χαιρέφῳ

Et in eadem comœdia paulo post, τὸ ἱματίον ἐπιπυλίδαι, ex noua secta ac disciplina, hoc est Socratica manauisse scribit. ἐπιπυλίδαι Pallij & δῖπλῳσι idem esse alibi probauimus. vtrumque igitur, ἔ τ' ἀνυποδοσίαν ἔ τὸ ἐπὶ τῷ γυμνῷ Cynici proprium sectæ suæ fecerunt, auctore Antisthene Socratico sectatore ac discipulo. Non mirum itaque si decem annis ante natum Diogenem, pallium duplicabant Socratici, eoque se inuoluebant, quod primus fecisse perhibetur Socraticus Antisthenes. Frustra igitur hæc chronologiæ tuæ adiutorium aduocas. Hoc genus autem Chronologorum, valdè acutum esse iactas. profecto, si verum dicis, tum tu chronologus non es, aut si chronologus, non nimium acutos esse chronologos ausim affirmare. Ex isto acumine chronologico, conciliare in Animaduersis tuis Tertullianum cum

Plauto conabar de habitu Carthagenensium, quomodo? Augustum Plauto faciebas antiquiorem. en acutum chronologum, & argutum conciliatorem!

XVII. est de loco Dionis, & senatorum caliga. verissimum est quod posui senatores per bella ciuilia & caligarum vsum, & chlamydis siue læcernæ sumere cœpisse, quod multis possum confirmare. Horatius:

— *quisque ut nigris medium impedit crus
Pellibus, & latum demisit pectore clauum.*

Zanchas veteres Grammatici interpretantur, quæ eadem sunt cum caligis. inde & caliga apud Tertullianum propriè senatorium calceamentum. At enim quod Dionis etiam loco ex lib. XLVIII. id etiam probari posse putavi, vbi *Βυλῆς χαλιγῶν* fit mentio, ingenuè fateor me errauisse. cum Dionis liber ad manum non esset, & locum illum iam olim mihi annotassem, memoriæ vitio sum lapsus, immemor utique quid præcederet apud Dionem, quid sequeretur. clama quantumlibet hanc stupidissimam esse hallucinationem, sola & vnica est, quam in toto Confutationis nostræ libro obseruare potueris. Nam reliquæ, ut illæ sedecim præcipuæ quas segregasti, vel tuæ sunt ipsius hallucinationes, vel imposturæ. quod ex superioribus satis arbitror constare. Quanta vero illa tua in errore tuendo pertinacia, qua *σαυδέλιον*, apud Græcos etiam de profundo & cauo calceo dictum pertendis! Omnis ætas Græciæ semper τὸ σαυδέλιον ἀπὸ τοῦ ποίλου ὑποδήματος distinxit, ut Salmasius multis ostendit ad Pallium

ex Polluce, Hefychio, & aliis. Nam & Pollux
 τὸ πολλὰ ὑποδημαί, simpliciter & absolutè etiam
 ὑποδήμαϊ vocari testatur. Hefychius: ἀσκαρῶν, ἡ-
 δὲς ὑποδημαί παρ, ἢ σκαρδαλίαι. videatur omnino Sal-
 masius in Notis ad Pallium pag. 354. & 355. Sed
 omnium dormitantium, somniantium, deliran-
 tium exerrationes superat illud commentum
 tuum quo rationem explicas, quare caligæ de
 soleis dici potuerint. *Caliga*, inquis, *pars illa solum*
dicetur quæ crura cingit, reliqua campagus appellari po-
terit. Bonus profecto mirusque sutor vetera-
 mentarius fuisses, de duobus veteribus calceis
 vnum nouum facile concinnasses. Ita hæc de
 duobus diuersis calceamentorum generibus, de
 caliga & campago vnum compingis. & quod
 nomen fuit illi calceo cuius, ima & infima pars
campagus, summa vero quæ crura vestiebat,
caliga vocabatur? *Cercoetianum* vtique nomina-
 bimus, aut *Petauianum*. Ita *caliga* calceus non
 fuerit integer, sed pars calcei. idem de campa-
 go. sic totus calceus, *caligocampagus*, aut *campagocaliga*
 nuncupabitur. Nec immerito propter
 hoc nouum inuentum mirifici calceamenti
 quod ex duobus ipse composuit, ita gloriabun-
 dus infert se magnifice superbissimus Cercoe-
 tius: *Si*, inquit, *id in Grammaticis tuis collectaneis*
notatum reperisses, nemo πλὴν ὀφρῶν tuam sustineret:
ex hoc discere, quanto tuo malo Kercoetium à consul-
tationibus tuis arceas, quem si sapius in consilium
adhiberes, ne tu prudentius ac minus ridiculè scribe-
res. Male factum istud à me fateor Cercoeti, &
 peccatum hac in re maximè. in posterum te cō-
 sultabimus, vt prudentius scribanus, & *campa-*

gocaliga quale genus calcei fuerit, ne nesciamus. Scribit Trebellius in Galieno, Imperatorem illum *gemmatas caligas sibi annexisse, cum campagos retinulos diceret*. Si vsum caligocampagi Cercoetiani nouisset, aut illo tempore hic calceus vfitatus fuisset, poterat simul & campagum & caligam sibi annectere. Sed talium iam tædet pigetque: & stulto stultior sum, qui in istis exagitandis horas meas bonas colloquem, & cum homine tam fatuo & imperito tamdiu colloquar. Aiunt qui caput asini lauare satagunt, & operam & lixiuuium perdere. Ad hæc si volet ille, & tertium, & quartum, & quintum, & centesimum etiam annum mastigophorum promittat. vbi tandem sistet? an in hoc centesimo? ergo centies in anno tantum insanire vult. Hoc certè modicum est, cum vim morbi, & *opporium* eius cogito, qui sexcenties in die insanus est. Sed illum sui curent, quod ad me attinet, valeat si valere potest.

F I N I S.

V41 1528960